

NUNARSUAQ TAMAKKERLUGU ATUARNEQ 2018

ATUA RAKET




JORDANILIARPOQ



GLOBAL CAMPAIGN FOR
EDUCATION
www.campaignforeducation.org



OXFAM
IBIS



ATUARAKET APP-ITUT

AtuaRaket aamma onlinemiipqoq. Filminik, assinik, oqaluttualiartaanik atuffassinernik allaatigisanullu itisiliinerusunik linkinik imaqarpoq.

AtuaRaket App Storemit imaluunniit Google Playimit downloaderuk.

Imaluunniit AtuaRaket interaktiviisoq computerikkut lpadikkulluunniit atoruk.

Tamaasa nassaa risinnaavatit uani:
www.heleverdeniskole.dk/app-2018

ATUAKKAP INUTTAA:


ATUAQATIGIIT:

ATUA RAKET

Meeqqat tamarmik ilinniarnissamik pigin-naatitaaffeqarput. Oxfam IBIS nunarsuarmi meeqqat tamarmik atualernissaannik qulak-keerinninniarnermut suleqataavoq. AtuaRaketimi oqaluttuat atuarukkit meeqqat atuarnissamik pigin-naatitaaffeqarnerannut tunngasunik ukkaseqataatitsivutit.



OXFAM
IBIS



ATUARAKET 2018



AtuaRaket 2018-imut tikilluaritsi / 4
Jordaniliarpugut / 6

NUKARLIIT & ATUFFASSISSUTIT

Inoqajuitsumiilaarneq / 8
Line Agerlin Trollemit

Isertortumik ikinngutigiiinneq / 20
Nina Sahlimit



- Sudan Kujalleq 2017:
Rhoda allagarsivoq / 32
James Danmarkimut inuulluaqqusivoq / 33
- Jordan ilisimasaqarfigineruleruk / 34
- Eqquniutitik tuniniaagit Jordanimilu nuannaarnerulersitsillutit / 40
- Jordanimi meeqqat ikuiunnissarsi pisariaqartippaat / 42

AKULLIIT

Syriaminngaanneerpugut / 44
Line Agerlin Trollemit

Angakkup nasaa / 52
Kenneth Bøgh Andersenimit



Anorigissaartariaqartarpoq / 62
Line Agerlin Trollemit

Ayse aqqaluartaarpoq / 68
Özlem Cekicimit

Santap ininnaava / 78
Line Agerlin Trollemit

- Sapaatip Akunnera Sunniinarfiusoq peqataaffigiuk / 84
- Nunarsuarmioqatigiilluta anguniakkagut 17-it / 86

ANGAJULLIIT

Nukariit nunartik takusinnaavaat / 88
Line Agerlin Trollemit

Siulit, siunissamut takorluukkat Facebookilu / 96
Line Agerlin Trollemit



AtuaRaket 2018-imut tikilluaritsi

– Atuagaq Jordanimut meeqqanullu Syriami sorsunnermit eqqugaasimasunik imaqarpoq



UKIOQ MANNA ATUARAKET Jordanimi meeqqat inuunerannik imaqarpoq. Jordan nunarsuarmi nunat panernerpaat ilagaat. Kujataani kangianilu nunap annertunersaa inoqajuitsuuvoq aappaluttunik si-oralik, avannaa kitaalu portusuunik qaqqaqarpoq Jordanillu Qoorua (Jordandalen) qorsuusooq tamaaniilluni. Ukiut tuusintit arlallit ingerlerneranni inuit assigiinngitsorpasuit Jordanimut nunassissimapput. Jordan Kangiani Qiterlermi qitiusorujussuulluni inissisimavoq, nunallu sanilimi eqqissiviillortarnerannit assut sunnerneqartarluni.

Nunami sanilianni Syriami meeqqat angerlarsimaffitik atuarfitillu qimattariaqarsimavaat killeqarfillu ikaarlugu Jordanimut qimaasariaqarsimallutik. Ilaqutariippasuit qimaasunut najugaqarfissiani najugaqarput, sulilu amerlanerit taakku avataanni najugaqarlutik. Tamanna Jordanimut sunniuteqaaq. Meeqqat amerlanerujussuit atuarfinni atuartuulerput. Taamaattumillu piffinni amerlasuuni Jordanimiut Syriamillu qimaasut atuarsinnaaniassammata atuartut ilai ullaap-tungaa atuartarput ilaalu ualikkut.

Nunarsuarmi inuit qimaasut aatsaat taama amerlatigaat. AtuaRaketi imi ilaatigut Mohammad Ammarilu tusagaqarfissavagut – Syriamit Jordanimut qimaasimasut. 12-inik 14-inillu ukioqarput, qimaanertik pissutigalugu atuanginnikuupput. Maanna pinngitsoorsimasatik angummanniarfigaat. Aamma Muna 10-nik ukiulik qimaasunut najugaqarfimmi najugalik atuartuusooq, Nidalilu 13-inik ukiulik suli atuarnermik, allannermik kisitsinermillu ilinniarsimangitsoq aamma tusagaqarfissavasi.

Suliniut Nunarsuaq Tamakkerlugu Atuarneq aqqutigalugu nunarsuarmi atukkatigut assigiinngissusermut aamma meeqqat tamarmik atuartuunissamik piginnaatitaaffeqarnerannut ukkasseqataatitivusi. Peqatigitillugu inuit piginnaatitaaffii aamma nunarsuarmioqatigiit anguniagaat pillugit ilinniarpusi, taamaalillusilu ilissi nammineq ilinniarnersi pitsaanerulersillugu.

Atuarluarisi.

Mie Roesdahl


Oxfam IBISimi generalsekretæri





KØBENHAVNIMIT SILAANNAKUT
TOQQAANNARLUGU JORDANIMI
ILLOQARFIIT PINGAARNERSAANNUT
AMMANIMUT 3200 KM-IUVUQ.

JORDANIMUT aallaannaqaagut



Jordan Kangiani Qiterlermiippoq. Jordan 90.000km²-ivoq. Danmarkimiit marloriaammik angineruvoq. 10 millionit missaannik inoqarpoq. Pingajorarterutaasa missaat illoqarfii pingaarnersaanni Ammanimi najugaqarput.



Jordan nunarsuarmi nunanut panernerpaanut ilaavoq. Aasaq panertaqaq kiattorujussuusarlunilu. Sivikitsumik atorumar-tumik ukiuusarpoq. Nunap avanna qaqqaqarpoq qorsuusunillu qooroqarluni. Kangia kujataalu inoqajuitsoqarfeqarput qaar-suullutik sioraallutillu.



Ukiut tusintilikkaat ingerlane-ranni inuppasuit nunamut ta-maanga maanna Jordanimik ate-qartumut pisimapput. Upperisaq siaruarsimanerpaaq tassaavoq islam, upperisalli allat aamma atuupput soorlu kristumiussuseq juutiussuserlu.



Qooroq (Jordandalen) kitaaniippoq, kuussuaq - Jordanflod - Imaq Uumaatsumut akoqarpoq. Imaq Uumaatsoq tarajuungaarami uumaffigineqarsinnaannginga-jappoq tassanilu naluttut put-tasarput.





HAMAD

Inoqajuitsumiilarneq

📖 LINE AGERLIN TROLLE 📷 WILLIAM VEST-LILLESØ

Hamad qatangutinilu pingasut biilnut angisuunut ilaapput. Attuutiivillutik issiapput. Kiaqaaq. Biilit sioqqatigut ingerlarusaarput. Hamad igalaakkut silammut isigivoq. Illoqarfik qimatartik tarrereerpaat. Isigisaq tamarmi qaarsuuvoq sioraallunilu. Hamad nuannaqaaq, sapaatip akunnera naavoq inoqajuitsumullu ingerlaarput.



Hamad arfinilinnik ukioqarpoq. Marlunnik angerlarsimaffeqarpoq, illoqarfeeqqami illoq inoqajuitsumilu tupersuaq. Sapaatit akunnerisa naaneranni ilaqtai inoqajuitsumiittuaannarput. Illoqarfeeraq inoqajuitsorlu Wadi Rumimik ateqarput.

Hamadip aatakkui beduiniunikuupput. Suli ilaqutai tupeqarput uumasute-qarlutillu. Savaateqarput, savaasat qatigattuullu. Amerlanerit uumasuutitik inuussutigaaat. Uumasuutitik nerisassaqarlutillu imigassaqarni-assammata nooqattaartarput. Ataataa oqarpoq Hamadip inoqajuitsumi inuuneq ilikkassagaa.



Ullaaralaakkut Hamadip siutitooq piareersarpaa. Siutitooq imermut, nerisassanut, tiitorfinnut tepotimullu nassartoriniarpaa. Taava Hamadip qatanngutaatalu Thaherip uumasut nerisassarsiortillugit ingerlatissavaat.



Hamadip savaasat savallu amerlasuut nakkutigai. "Inoqajuitsumi nutaanik ilikkagaqartuaannarpunga. Siutituumut qimusserneq ilikkaqqammerpara. Pisunnerminngaanniit nuannerneruvoq. Ulloq naallugu qimussersinnaasarpunga. Qatigattuunut qimussertalernissara qilanaaraara. Aatsaat 7-inik ukioqaleruma qimusserfigisinnaalissavakka."





Unnukkut uumasut toqqip
eqqaani imertinneqartarput.
Imeq biilni angisuuni usivaat.
Hamadip uumasut imertippai.
Pilerngutiinnaq imermata Hamad
tummartinnaveersaartariaqar-
poq.



Taarsivinnginnerani Hamadip Tha-
herillu qatanngutertik nivarsiaaraq
Naseem pinnguaqatigaat. Sioqqani
savaaqqat pisseqattaqatigalugit
pinnguaqatigaat. "Sioqqat nuanna-
reqaakka. Qanorluunniit pinnguar-
figineqarsinnaapput. Nuannersumik
pinnguaateqarpugut seejamik
taaguutilik. Pinnguaqatit ujaraataat
peerniarsarisarlugit pinnguaa-
taavoq.



Seqineq tarrinniariatoq
nillertippoq. Qiianarseqaaq.
Arpaannaq tupermukarput.
Shrakisunni naamasinnaa-
vaat. Hamadip arnaata
iffiugaa. Shrakitorput
neqitorlutillu. Ikumatitami
sanaajugamik pujorsunnilaar-
lutik mamaqaat.



Hamad meeqqallu allat taarinnarmi innangapput. Savaasat meq-
quinik sanaamik tippimik oqortumik qipeqarput. Hamadip eqqu-
marujoorneq nuannarisarpaa. Innangasarpoq tusarnaarlunilu.
Angutit ikumatitap eqqaani issiapput. Kaffisorput oqallillutillu.
Tulliani tupit sumut nuunneqassappat? Ilaqutariit allat nooqati-
giuaannarpaat. Taamaammat isumaqatigiinniaqqaartuaannarput.




Hamadip nipilersorpaluk tusaasinnaavaa. Illooraa Mohammad nipilersortoq. Rababah nipilersuutigisarpaa. Guitarimut assinguvoq ataasiinnarmilli noqarteqarluni. Mohammad amaroq pillugu erinarsorpoq. Kaalluni unnuami miaggoortoq. Hamad qiaammerpoq. Immaqa unnuaanerani qaninngoorpoq. Amaqqumik takuni kuunngilaq, tumai kisiisa takunikuuai. Qimmit toqqit eqqaanni paarsimmata savaaqqat isumannangillat.



Hamadip inoqajuitsoq nuannareqaa. Illoqarfim-mulli angerlarnissani aamma qilanaaraa. Illoqarfimmi tv isiginnaarsinnaavaa mama-kujussisinnaallunilu.

Nittartakkami Hamad qanoq pinnguartarnersoq, seeja pinnguaatigisarneraa, siutituumut qimussertarnersoq, aamma savanik savaasanillu ungoorisarnersoq takusinnaavarsi. Shrak qanoq sananeqartarnersoq ilinniarsinnaavarsi aamma inoqajuitsoq beduinillu pillugit paasisaqarnerusinnaavusi.



HELEVERDENISKOLE.DK/HAMAD





Isertortumik ikinngutigiinneq

📖 NINA SAHL 🎭 NETE BERING SAHL

Asmap Feras tuniniaavimminiittoq aalateriffigaa.
Ullaat tamaasa atuariartoraangami taamaaliortarpoq.
Ikinngutigiipput,
kisianni isertorlutik ikinngutigiipput.

Feras Jordanimiuunngilaq.
Syriamiuvoq sorsuffiusumit.
Aamma piitsuuvoq.

Akkaap piitsut nuannarinngilai.
Ingammik Syriamiut.
Asmamut Issamullu Feras pinnguaqatigeqqusaanngilaq.


“Ullumi arsassavisi?” Asma aperivoq.
Feras sikisarpoq.
Ferasikkut Syriamiuinnaallutik arsaattartoqatigiipput.

“Unammingajalerpugut,” Feras oqarpoq.
Nalunngilaa Asmap arsarneq nuannareqigaa.
“Ilaasinnaavutit.”

Akkaali oqarnikuvoq
arsarneq niviarsiaqqanoortuunngitsoq.
Aamma Asma Issalu Ferasikkut najugaqarfiat
orneqqusaanngilaat.

“Taamaaliorsinnaanngilanga,” Asma akivoq.
Anersaaruluppoq.
Aalateripput ingerlallutillu.

Ferasip olivenit puussiaaraq
arnamut tunivai.
Aatsaat sulereeruni
ualimut atuartussaavoq.





Aqaguani akkaa
ikinngutiminut pulaarpoq.
Asmap Issa paaraa.
Susassaaleqipput.

Asmap arsamik
unammisut eqqarsaatigai.
Ilaarusukkualuaqaaq, isiginnaaginnarluni.
Kisianni taakunnaqqusaangillat.

Kiisa allamik eqqarsaataaruppoq.
Arsarnej. Arsarnej. Arsarnej.
"Isertuussisinnaavit, allanut oqangilluinnarlutit?"
Asma aperivoq.
Issa sikisarpoq.
Taava ingerlapput.

Ferasip takugamigit nuannaqaaq.
Asmap aalateriffigaa arpallunilu ornillugu.
Ujarak tummartoorlugu orluvoq.
Ferasip angumeralugu tiguua, kisianni nammineq
orluvoq isikkamigullu annerluni.
Assut annerpoq.
Arsarsinnaajunnaarpoq.

“Ernumanak,” Asma Ferasimut oqarpoq.
“Arsaqatitit ikiussavakka.”





Akkaatali Asma Issalu malissimavai.
Nuannaanngilaq.

Asmap takuaa.
Hajjaa!
Taamaalisorlu arsaq Asmamoorneqarpoq.
Uummaataa kassoruluppoq.
Allatut ajornaqaaq.
Arpappoq.
Arsaq ingerlappaa.
Isertillugulu!

Tamarmik nillerrapput.
Aamma akkaa.

Unammereeramik Asma annilaangavoq.
Akkaa kamannginniassasoq.
Aggerpoq.

“Tassa illit Asmap Issallu ikinngutaat?” Akkaa aperaaq.
Feras sikisarpaq.
“Takuara sooq annernersutit.
Feras, ikinngutaalluuartuuvutit.”
Asma qungujuppoq.
“Aamma illit arsallaqqippaseqaatit,” akkaa Asmamut
oqarpoq.
“Immaqa ullut arlaanni arsaqatigiissinnaassaasi.”



Rhoda allagarsivoq

BINYA SAMUEL MONDI & LINE AGERLIN TROLLE
LEILA MARY



Karsi tigugamiuk qungujorujussuarpoq. Oqimaap-poq. Ammarpa, allakkanik, postkortinik titartakkanillu imaqarpoq. Aatsaat taama allagarsiasanik amerlatigisunik takuvoq. Danmarkimiit meerarpassuarnit allaffigineqarsimagami nuannareqaa. Aamma atuagaq LæseRaketten ilaavoq, nammineq tassani assitaqarluni allaatigineqarsimavoq. "Atuakkami imminut takulluni alutornaqaaq," Rhodap atuagaq qupperaatigalugu oqarpoq.

Rhoda ikinngutinilu Abuk marluullutik allakkat atuagattaarpat. Abuk Rhodalu atuaqatigiipput. Atuarfimmi sanileriittuaannarput. Rhodap angajoqqaavi tamarmik atuarnikuunngillat, ilinniagassalerigaangat Abuk ikiuulluartaqaaq.




James Danmarkimut inuulluaqqusivoq

BINYA SAMUEL MONDI & LINE AGERLIN TROLLE
KATIBE SIMON

Illoqarfimmi Ganylimi James arsarluni isertitsigami nippaallugu nillia-voq. Ikinngutini Yuanese, Simon, Peter Danielilu arsaqatigai. Pulaar-toqariasaarlutik unipput. Danmarkimiit allagarsiasat tikittut. James Danmarkimi atuartunit amerlasuunik allagarsivoq titartagannallunilu.

James ikinngutaasalu allakkat atuarpaat. Allakkat amerlaval-laangitsuuppata tamakkerlugit akerusukkaluarpaat. Taava tamassi ataatsimoortillusi inuulluaqqutiinnarpaasi. "Allakkanut qjanaq! Killitsissutigaaara Danmarkimi meeqqat taama amerlatigisut allaffigisimammanga," James qungujulluni oqarpoq.



**SYDSUDAN
2017**

**HELEVERDENISKOLE.DK/
POST-TIL-RHODA-OG-JAMES**

NUKARLIIT & ATUFFASSISUTIT





FILMIT ASSILLU JORDANIMEER- SUT TAKUKKIT

Jordan ilisimasaqarfigineruleruk

Nittartakkami Jordan pillugu paasisaqarnerusinnaavutit. Jordanip oqaluttuassartaa ukiut 700.000-t kingumut paasisaqarfigisinnaavat. Filmit assillu takuneqarsinnaapput, inuiaassutsimut erinarsuutaat tusarnaarneqarsinnaavoq erfasuallu pillugu atuagassaqarluni.

Jordanip nunataa pinngortitarlu paasisassarsiorfigisinnaavatit, ilaatigut Imaq Uumaatsoq inoqajuitsullu takusinnaavatit. Aamma nunami uumasut ilaat pillugit ilikkagaqarsinnaavutit.



HELEVERDENISKOLE.DK/LAESERAKETTEN



Meeqqat AtuaRaketimiittut ilisarisanerulikkitt



**JORDANIMI
MEEQQAT**

Sammissaq Jordanimi meeqqat (JORDANS BØRN) aqqutigalugu meeqqat AtuaRaketimiittut ilisarisanerulersinnaavatit. Nittartagaq assinik filminillu ulikkaarpoq. Nidal kusanartumik qullartittagaliortoq. Munap ikinngutaatalu qimaasunut

ineqarfimmi Za'atarimi meeqqat pinnguartarfiat alakkartikkaat. Qatanngutigii Ammar Mohammadilu tallimanngornermi qinujartornissaminut pikisut. Hamad meeqqallu allat inoqajuitsumi nassaavi. Santap oqaluttualiaq inuusat atorlugit isiginnaartitsissutigaa, imaluunniit Shahed ikinngutaalu atuarfimmi araberit oqaasiinik atuartut takuneqarsinnaapput.

Jordan paasisassarsiorfigiuk

Meeqqat ulluinnarni Jordanimi inuunerat paasisaqarfiginerusinnaavat. Pinnguaatigisartagaat atuarnerrallu. Nerisassanut imigassanullu mamarunartunut najoqqutassat. Ammanimi illoqarfik angallaffioqisoq niuffaffillu. Jordanimiut nipilersoriaasaat, tumerparpaarneq dabkemillu qitinneq. Nammineerlutit qullartittagaliorneq misilissinnaavat. Ujaqqat atorlugit pinnguaat seeja ilatillu ilinniarsinnaavarsi.



**JORDAN MALUGISSUT-
SITIT TAMAASA ATORLUGIT**



**ATUARFIK
ULLUINNARNILU INUUNEQ**

[HELEVERDENISKOLE.DK/LAESERAKETTEN](https://heleverdeniskole.dk/laeseraketten)



Qimaaneq, inuit upperisarluk

Nittartakkami Jordanimi naggueqatigiit assigiinngitsut ilaat upperisaallu ilikkagaqarfiginerusinnaavatit. Jordanimiut Jordanimeersut, Jordanimiut Palæstinaimeersut Jordanimiullu Syriameersut aamma beduinit pillugit atuarsinnaavutit. Upperisaq Shahedimut Santamullu ulluinnarni qanoq isumaqarnersoq paasinarsinnaavat. Nidalip aanaava Jordanimut pinngikkallarnemini inuunini aamma Ammar Mohammadilu Syriamiit Jordanimut qimaasimanertik oqaluttuarigaat tusarnaarsinnaavat. Munap Nunarsuarmi qimaasunut ineqarfiit anginersaasa ilaanni alakkarteritissavaatit.



HELEVERDENISKOLE.DK/LAESERAKETTEN



HJÆLP BØRN I SKOLE
 BØRN FRA SYRIEN OG JORDAN HAR BRUG FOR DIN HJÆLP TIL AT KOMME I SKOLE. TAK.
 HØVEDPREMIER: REJSE TIL 20.000 KR. SE MERE OM GEVINSTER PÅ BAGSIDEN.

OXFAM IBIS

LODSEDEL 20 KR.
 LODSEDELEN KAN BETALES KONTANT ELLER MED MOBILEPAY TIL 30 73 33 73
 SKRIV SKOLE OG KLASSE PÅ DEN ELEV, DER SÆLGER LODSEDELEN I BESKØFFELIET. FX: BSKOLEN 3.A

Eqquiniutinik tuniniaagit Jordanimilu nuannaarnerulersitsillutit

Meeqqat AtuaRaketimiittut ilaasa inuunerat oqitsuinnaangilaq. Muna Jordanimi qimaasunut ineqarfimmi najugaqarpoq. Syriami sorsuffiusumit angerlarsimaffini atuarfinilu qimallugit qimaasari-aqarsimavoq. Ammar Mohammadilu qimaasuupput angajoqqaatillu najorunnaarnikuullugit. Nidalip angajoqqaavi piitsuupput atuarfimilu kinguaattooqqavoq.

Jordanimi meeqqat amerlasuut ikiorneqarnissaminnik pisariaqartitsippit. Ingammik atuartuunissamut. Ilissi eqquiniutinik tuniniaanisigut meeqqat ikiorsinnaavasi.

Inuit amerlasuut Syriamit Jordanimut qimaanikuupput. Taamaammatt atuarfinni meeqqat amerlatsinnikooqaat inissaaleqillutik ilinniartitsisullu ulapippallaarujussualerlutik. Angajoqqaat amerlasuut sorsuffimmiinnikuunertik qimaanikuunertillu artorsaatigaat. Taa-maattumillu meeqqamik atuarnerannut tapersersuisinnaaneratt killeqartarluni.

Katersuiniarnissigut meeqqat Jordanimiut Syriamiullu inersimasumik oqaloqateqarsinnaaneratt, ilinniagassalerinissaannut atuarnerunissaannullu ikiuutissaasi. Taava atuaqqilissapput atuarnertillu naammassillugu.

Katersuiniarlusi eqquiniutinik tuniniaagussi meeqqat pitsaasumik ilinniagaqarnissaannut, nuannaarnerulernissaannut pitsaanerusumillu siunissaqarnissaannut tuniseqataassaasi.



Katersuiniarusi meeqqat ajornartorsionerpaat ikiussavasi.

Makku taperseeqataaffigissavasi:

- Tuluttut, araberit oqaasiinik matematikimilu atuarneq
- Toqqissisimanartumik atuarfeqarneq
- Ikinnguteqarnissamut pinnguarnissamullu piffissaqarneq
- Inersimasumik oqaloqatissaqarneq
- Atuartunngoqqinnissamut periarfissaqalerneq
- Atuarfiup naammassinissaanut tapersersorneqarneq
- Ilinniagassalerinermut ikiorneqarneq

EQQUINIUTAATISI TAMAASA TUNIGUS-SIGIT MEEQQAT 4-T ATUALERNISSAANNUT IKIUSSAVASI

Atuartitatit misigisasarsiorsinnaapput

Atuartitatit Danmarkimi katersilluarnepaanut ilaagunik misigisassarsiorfigisinnaavaat Fårup Sommerland, Randers Regnskov, Sagnlandet Lejre, Kattegatcentret Vikingskibsmuseetiluunniit.



Jordami meeqqat ikiuunnissarsi pisariaqartippaat

Eqquiniutinik tuniniaagitsi qujassutitullu sikunnallusi

Eqquiniutaatsi tamaasa tunigussigit 1500 kr. katersorsimasavasi, Jordanimi meeqqat 4-t atuarnissaannut naammattut. Iluuqutaassaqaat. Tamassi eqquiniutinik 3-nik tunisaqarussi angussavarsi. Eqquiniutit angajoqqaassinnut, aatakkussinnut imaluunniit matumiit matumut kasuttortarlusi tuniniarsinnaavasi.

Minnerpaamik 1500 kr. katersorussigit OXFAM IBISip qujassutitit sikullerfigissavaasi.

Namineq qanoq nuannersumik katersuiniarsinnaanissinnut isumassarsiorsinnaavusi. Soorlu kaagunik namminerluunniit isiginnaartitsinissassinnut isissutissanik tuniniaallusi. Qanoq katersisimanersi pillugu allatamik assinillu nassissinnaavat-sigut uunga verdeniskole@oxfamibis.dk

Ilinniartitsisut eqquiniutinik piniaqqissinnaapput uunga www.heleverdeniskole.dk/lodsedler

**JORDANIMI
MEERAQ UKIUMUT
375 KR.-P
NALINGANUT
ATUARTUUSINNA-
VOQ.**



MUNA

Syriaminnganneerpugut

 **LINE AGERLIN TROLLE**  **WILLIAM VEST-LILLESØE**

Aqquserngit inoqanngillat containerillu qaqortut atorlugit inissialiat akornat nipaappoq. Inissiat amerlanerit saviminernik saattunik ungalulersimmammata ungallut ilui takuneqarsinnaanngillat. Illut saavi tamarmik imermut tankersuaqarput. Ullup-qeqqarmat seqineq qullaruttoq. Anorimit sioqqat teqqalanagerat qaalluitsinartitsivoq. Inuit isersimarrapput Muna kisimi pinnani. Aqqusinnermut pisiniarfe-qarfiusumut anaanani pisiniutiinnaraluarpa. Tiitorfik niaqusarlu. Pisiarereerpai. Pisiarfiilli allat isiginnaalerpai. Kjuulit kusagisarnermik katissutaarniat pisiassaataannik isiginnaarneq nuannarisarppaa. Angerlapallattariaqarporli.

Muna qulinik ukioqarpoq, aanani, atsani, anaanani qatanngutinilu Jordanip avannaa-tungaani Za'atarimi illoqatigai. Za'atari Syriap kil-leqarfianut qanittumi qimaasunut ineqarfissiarujussuuvoq. Ineqar-fimmiut tamarmik Syriamit qimaasuupput. Muna arfinilinnik ukioqar-toq ilaqutai tamaanga pipput. Siullermik tupermi najugaqaaqqaarput. Taamani angutaa sulii inuuvoq. Ukiut pingasut matuma siorna ajunaarluni toqnikuuvoq. Muna tamaanga peqqaarami unnukkut sininneq ajulertarpoq. Sininnerminni tupermut isertoqarnissaa annilaangagisarnikuuaa. Qujanartumilli taama pisoqarnikuunngilaq.

Maanna Muna containerimi inissialiami najugaqarpoq. Munap arnaa illuimmi qimaasunut ineqarfiunngitsumi najugaqarusukkaluarpoq. Kisianni nuussagunik Munap atsa aanaavalu illoqatigiunnaassa-vaat. Taamaammat ilaqutariit sulii ineqarfissiami najugaqarallarpur. "Anaanaga ajornanngikkaluarpat Syriamut angerlarusukkaluarpoq. Sulili taamaalorsinnaanngilagut. Ikinngutigaa sulii Syriamiippoq. Oqarasuaatikkuut oqaluuttarpugut. Oqarasuaatip tusarnaarneqarsin-

naanera pissutigalugu Syriami pissutsit qanoq innerat pillugu uannut oqaluttuaqqusaanngilaq. Oqarnikuuvoq erninnaq Jordani-mukassallutik. Tamanna neriuutiguaannarpara. Pinnguaqati-geeqittalissagaluarpugut.”

Munap atuarfia

Qimaasut ineqarfiat atuarfeqarpoq. Containererpassuit atorlugit atuarfiliaq. Ullaap-tungaa niviarsiaqqanik ulikkaartarpoq. Nukappiaqqat ualikkut atuartarput. Munakkut atuaqatigiit 24-upput, Munap illooq-qani sanileriuannangajappaa. Ilinniartitsisoq nuannarinerpaasaa Wafamik ateqarpoq. Araberit oqaasiini ilinniartitsisoq. Wafap ullumik-kut Imaq Uumaatsoq oqaluttuaraa. Oqaluttuaraa tarajuungaarami puttaffigineqarsinnaasoq. Munap takorloopaa arlaanni ilaqttani ilagalugit tassunnarumaarlutik. Imarmi tarajooqisumi nalulluni misilil-lugu nuannissagaluarpog. Munap alliguni Wafa assigerusuppa.

Anitsiaraangamik atuarfiup eqqaani illoqannginnersami pinngu- artarput. Kaajallallugu ungalorsuaqarpoq. Ullumi anitsiarlutik pinnguarneranni

Munap illooraatalu Arwap araberit oqaasiinik atuarneq nuannarisarpaat.



Munap ilaqttani illoqatigai. Assini Syriamit nassataanni Munap angutaa ilavoq.



timmisartut sorsuutit pukkitsuaraallutik nipitoqalutik qulaaqqupput. Niviarsiaqqat nunamut pequliallutik pallortiterput nillial-lutik illakullullutillu. Naak susoqanngikkaluartoq suli Munap timmisartut nuannarineq ajorpai.

Syriaminngaannersuuvugut

Munap Syriamiinnertik tamaat eqqaamasaqarfiginngilaa. Eqqaama-vaali angisuumik illoqarlutik marlunnik uffarfilimmik. Naatsiivimminni angisuumi orpiit paarnaqartartut eqqaamavaa. Timmisartut qulaakkaa-ngata illut eqqaanneqartillugit orpiit ataannut toqqortartussaapput.

Ullut arlaanni inimut Munap pinnguarfigisaanut qaartartoq igeriun-neqartoq igalaakkut illumut tuppoq qaangitsoorlunili. Tamatuma kingorna ilaqtariit qimaanissartik aalajangiuppaat. Assit atisaalu-illu poortupallappaat. Munap arnaa isumaqaraluarpoq qaammat ataaseq, annerpaamik marluk, qaangiuppata angerlassallutik. Munap angutaa assit ilaanniippoq. Munap angunni maqaasiuaannarpara. Jordaniileqqaaramik Munap aninissani ersigisarmagu angutaata ikiortarpara. “Ataatama tasiortarpaanga. Ullut tamaasa aneertarpugut.

Munap
anaanani
ikiortarpaa
nerisassioqati-
galugu tan-
kersuarmullu
imertarluni.
Tankersuaq
illup saava-
niippoq.





Za'atari nunarsuarmi qimaasut ineqarfiini anginerpaat ilagaat. Inuit 80.000-t missaat tassani najugaqarput. Tamarmik Syriamit qimaasuupput.

Qummut tikkuartarpoq oqarlunilu: Takuuk, timmisartoqanngilaq. Maani sorsuttoqanngilaq.”

Ikingutitaarpoq

Muna anaanani suli sulisoq pisiniarfeqarfinniit angerlarpoq. Arnaata qimaasunut ineqarfimmioqatitik eqqakkanik immikkoortiterinermik atoqqiinermillu ilinniartittarpai. Sulinerminut aningaasarsilaartarami angerlarsimaffimminnut atortunut ilaannilu pinngussanut atortarpai. Muna ilinniakkerivoq. Kingorna aanani containerit akornini sanertoq, ullup-qeqqasiutissaliortoq erruisorlu ikiorpaa. Aamma imertarpoq. Munap arnaata illup saavani naatsiiveeqqani imertertarpaa. Safranit naasortai nerisassioernerminnilu atortagaat akussat allat naasarput.

Munap aanani ikioreeramiuk nukkani pinnguartarfimmut aavaa. Niviarsiaaraq ilisarismangisani takuaa. Issakatsiaarfiit eqqaanni nikorfavoq, aappaluartumik kjuuleqarpoq nasartaateqarlunilu. Muna issakatsiaarfimmut ingippoq. Niviarsiaaraq nakkuppaa pinnguaqatigerusunneraanilu aperalugu. Niviarsiaaraq akuersivoq. Issakatsiaarput kaavittartumilu uissangulernissamik tungaanut pinnguarlutik.

Niviarsiaaraq Mariamimik ateqarpoq. Angerlamut aqputaa tamaat oqaluupput paasillugulu sunaaffa initik sanileriingajattut. Aamma paasivaat Syriami illoqarfeqatigiissimallutik. Tusakkat nuannit. Ullut tamaasa pinnguaqatigiittarsinnaalerput.



Nittartakkami Muna ilaqutaalu qimaasut ineqarfianniittut, atuarfiat pinnguartarfiillu takusinnaavatit. Aamma aqqusineq pisiniarfeqarfik qanoq isikkoqarnersoq takusinnaavat.

HELEVERDENISKOLE.DK/MUNA



Angakkup nasaa

📖 KENNETH BØGH ANDERSEN 🎭 RASMUS JENSEN

Bis uisorersarpoq. Sumiinnini puioraluarpaa. Qarmasissiat isugutasut isigileramigit eqqaalerpaa usi illorsuup naqqata ataaniilluni, sussallunimaa tamaaniippa? Aamma suniarnerluni puiorpaa.

Igaffimmut uternalissallunilu takulerpaa siunermini matu. Angakkup inaanut matu. Ikersisimalaarpoq, Bissip uummataa kassorullerpoq. Ineeqqami tassani iserfigeqqusaanngitsumi soqarnersoq takorusuttuaannarnikuuaa.

Ineraq nipaarsarluni alakkariartorjaa. Illorsuup angakkuartartua takussaangilaq.

Sigguni kiivai. Angakkumit naammattoorneqaraluaruni qularnangilaq pillaatisiaralugu inuunini narasiulluni naassagaa. Imminulli nangarneq sapilerpoq.

Matu ammarluarpaa iserlunilu.

Naneruummik ikumasooqangilaq, inip qarmaani igalaarsuaqarpoq, naak ineraq nunap iluani atsissumiikkaluartoq eqqumiitsumik orpippassuarnut silagissuup ataaniittunut isikkiveqarpoq.

Bissip ini misissuataarpaa, tupinnartut amerlangaarmata pissangasorujussuanngorpoq. Nerrivimmi sullivimmiippoq saviminikullak issoqqaarissoq aqerloq kuultitalik. Nerriviup qulaani ilisivimmiipput igalaamerngit ammalortut sanileriaat; ammalortut assigiinngitsunik imaqarput, ataaseq neriusaanik qillalaartunik qalipaatilik, alla toqutut taartigisoq kallertoq, allalu anorersuaq kaavittuliortoq. Ilisivinni portoqisuniipput atuakkat pisoqaaqisut pujoralaqaaqisullu, natermiippullu uumasut eqqumiitsut kiviukkat.

Igalaap akiani qarmani nivingavoq uumasorujuup kigutaanut assingusinnaasoq. Qerneqaaq, sakkutuullu hiistertartut qalugiu-



saattut takitigalunilu nuugitsigaaq. Nunaanni ukiorpassuit uumasorujogarnikuunngimmat kigut pisoqarujussuusimassaaq. Bis uumasorujummik takorusukkaluaqigami nungussimanerat unggoreqaa.

Kiguterujussuup sanianiippoq hiistip tuugaallip tuugaava. Tuugaaq panap tigummivianut ikkusimavoq panatut atorneqarsinnaaluni. Oqartoqartarpoq uumasorujuit taamaallaat hiistip tuugaallip tuugaavanik toqunneqarsinnaasut.

Bis uumasut kiviukkat takulluarniarlugit tungaanukaruttorluni allamik takusaqalerpoq. Uummataa kassoreertigaluni ingalluni kassunneruleraangami.

Taakani, qarmap itersiumarnani saviminernik ungalusimalluni ippoq angakkup nasaa.

Bissip tusartarnikuuaa angakkup nammineq ulorianangaarmat atorpiarneq ajoraa. Oqartoqartarpoq nasaaq ateriarlugu kissaateqaraanni piviusunngortinneqarsinnaasut. Oqaluttualianisut kissaatit pingasuinnaanngitsut, kisianni kissaatit suulluunniit tamarmik piviusunngortinneqarsinnaasut.

Natsap kisimi Bissip uummataa kassorulutsinngilaa. Aammaana ungalut saviminiusut, ineeqqap matuatut ikersisimasut taamarsuaq kassorulutsileraat. Immaqaana angakkup tuaviorluni anisariaqalerami puorsimagaa....

Igalaaniit napasuliaq prinsessep ineqarfia ersippoq. Ataasiaannaavilluni prinsesse takunikuuuaa puiunngisaannarlugulu. Pinner-sorujussuuvoq, ilaannilu takorloortarpaa ... Takorluugarli piviusorsiuunneqaaq. Nukappiaraavoq piitsoq igaffimmi ikiorti, prinsessellu qissiminnaviannngilaaluunniit.

Imaattoqariasaanngippat ...

Nipaarsaaqaluni qarmap tungaanukarpoq.

Sissueqqissaarluni nasaaq annoraamineq taartoq attorpaa.

Sissueqqissaarluni tiguuaa atillugulu.

Bissip uumasorujuup kigutaa innermik anersaartarneranik qernertunngorsimasooq nakkuppaa. Nalunngiivippaa suna kissaatiginerlugu.

“Uumasorujuit,” isussuppoq qungujullunilu.
“Uumasorujuit kissaatigaakka. Aamma prinsesse uumasorujunnit annaatissallugu kissaatigaara.”

Susoqanngilaq.

Silataani nuissat arriitsumik ingerlaarput.

Ungasissumi qimmeq qiluppalluppoq.

Susoqanngilaq.

Bissip pakatsilluni nasaaq peerpaa. Eqqarsarluartartuuguni nalunngittariaqaraluarpaa igasup asuli salloqittarluni oqaluttuuttaraani. Soorunami nasaannakasiup kissaatit piviusunngortissinnaanngilai, sianiilikaarpallaassaqaarmi isumaqarsimaguni...

Nipaassuseq qatimaannerujussuarmit kipitinneqarpoq, nipitungaarmat amiilaarnangaarmallu Bissip silani tammaangajarpaa, tarraq igalaat silataatigut saneqquttoq sukkangaarmat igalaat qupititerput.

“Uum... uu..”



Bissi oqarniarsarivoq uumasorujussuarlu prinsessep inaata tungaanukartoq nakkullugu. Uumasorujussuup sulussorneranit anoraasu-aasartarpoq pamiorsualu iperaatarsuartut seqqortarluni. Illorsuup napasuliaa kaajalliarlugu saassussimmat Bis nikeriarsinnaajunnaaqqanerminut itertuusivoq. Asuli isiginnaaginnarsinnaangilaq. Prinsessemik annaanniagassaqqarpoq!

Angakkup nasaa ateqqippaa...eqqarsaqqaarlunilu. Ilumut silaqqaraluarnerpa? Qanoq ililluni nammineq – igaffimmi sulisukulunnguaq – uumasorujussuarmut innermik anersaartartumut ajugaasinnaava?

Nangaanerali sivikitsuinnaavoq, soorunami ajugaasariaqqarpoq. Taamatummi kissaateqqarpoq.

Arpaannaq tuugaamik panaliaq nusukkiartorpaa ineeqqamiillu anilluni. Arpannerali arriippallaarpoq. Prinsesse suli tikinngikkaa uumasorujussuup quleriarluni nerisinnaavaa. Arlaannik isumassarsisariaqqarpoq.

“Kissaatigaara,” anersaartoqaluni oqqarpoq. “Kissaviarsuttut sukkatigilernissara kissaatigaara.”

Soorluli kallermik aqqusaarneqqartoq. Misigisimanngisaannagaanik timaa nukissanik qalaartutut ilivoq. Niuanut pivooq, niulu sukkatsikiartupiloorput, Bissi illorsuarmiit qarsutut sukkatigaluni ingerlavoq. Sukkaqaluni tummeqqatigut illorsuup napasuliartaanukarpoq, matukkullu prinsessep inaanut iseriasaarluni uumasorujussuullu amiilaarnartup – angakkuarlugu pinngortissimasami – saavanut pilluni.

Uumasorujuup illup qaavata affaa katatsissimavaa pamiuminillu nigguusalissuarmik prinsesse nilliaatigaluni qimaasaqattaartoq tiguniarsaralugu.

Uumasorujuup nukappiaraq iggavimmi ikiorti nakkutitsiarpa. Qarnilu amiilaarnaqisoq ammarmagu kigutai qernertut innermik erisigunnaarput. Bissi angumerseqqarluni matup tunuanut pissippoq. Innermik unguneqarsimavoq, nutsami ilippalunnerat malugisinnavaa. Taava inneeq qamippoq, matulu Bissip toqqorsimaffia arsakuinnangorluni.

Uumasorujuup prinsesse saaqqissimavaa, ajugaasimaartutullu



qatimaariutaa pamiuni niuanut nermullugu. Uumasorujussuup qangattaalluni qanersuarmi pujuorujuttuinnaap saavani nivingaka-taartilermani prinsesse erserpaseqaaq.

Bissip sukkanerpaamik uumasorujuk nukissani tamaasa atorlugit panamik pamiuatigut kapiartorpaa. Kaperiaraluarppaa, panarli tat-taasaatigut sisuukalaaginnarpoq.

Nukikka amigarput, uumasorujuup isiminik sungaarujuttuinnarnik qiviaqqimmani Bis eqqarsarpoq. Iliuuseqarsinnaavormi..

“Angutitut qulitut nukeqartilissallunga kissaatigaara!” Uumasorujuup keeriaraanilu suaarpoq. Kallermik aqusaarneqartutut misigeqqippoq. Tamatumuuna nukiit taliinut ikkussuummata soorluli tassa talii qartorassasut.

Bis sanimut pissinnerani uumasorujuup kiiseriaraluarpallannernit qangami kiguterpalunnguarsi. Periaqqippaa, tuugaaq uumasorujuup qungasianut kappuppoq. Uumasorujuup qarni ammaraluarppaa, aniasutuarli tassa puaasaasarneq aallu qernertoq. Isai sungaartut qaamaneruupput, sului siaarsimajunnaarput natermullu aqullaarmat qanngorsuarliuna. Prinsesse pamianit najummineeruttoq natikkut assakaavoq.

“Annaap... annaapparma,” isussulluni oqarpoq Bissilu ilumut piviusuunersoq uppererpiarpassinnagu nakkullugu.

Bissip kiagunnini allarterpaa qungujunniarsaralunilu.

“Ilsarisimangilakkitt,” nivarsiaq inuusuttoq pinnersoq inuunerninik annaassisumut oqarpoq. Qujallunimi kunittariaqassavaani, inuunermimmi annaassissoq qujassutitut kunissagaanni tupinnar-toqanngilaq. “Kinaavit?”

Bis oqarniarsarivoq. “Uanga tassaavunga..., Prinsesse susutinuna?”

Prinsesse sajulerpoq, kiinaa tatamittutut ileqqippoq Bissillu tungaanut tikkuarluni. Bis isumaqaraluarpoq tikkuaraani, paasilerpaali tunuminut tikkuartoq.

Tunumut saappoq, suna takunerlugu paasinngikkaluarppaa. Taava silaa kaavilerpoq.

Uumasorujummik ataasiinnarnik kissaateqanngilatit – qarasa-mini nipi tusaasuusivaa. Nipi soqutigittaappaluttutut nipeqarpoq, pasitsalerporlu: angakkumuna nasaa oqaluttoq. Arlalinnik kissaateqarputit.

Uumasorujuit. Hunnorujorpassuit. Ilami tuusintillit. Qilak silarlusuaarluni anorersuartussatut isikkoqalersissimavaat. Sulussorpalussuat nipi! Innermillu anersaartornerat kallertorujussuuartitsisuusivoq. Isigisaq amiilaarnaqaaq.

“Taamatut isumaqarlunga kissaateqanngilanga,” Bis isussuppoq, allamik oqariarnissaminut piffissaqanngilaq. Sikippoq, uumasorujullu siulleg tikiunniariartoq panaq uumasorujuup qungasianit amullugu.

Sapinngisani tamaat akiuuppoq. Uumasorujuit tuugaamik kapuugai niuiukkatut eqqaani toqorarput, aammik qernertumik eqqaa kuugaarpoq, uumasorujuilli allat takkussuutiinnaavipput. Bissip tamaasa akiorsinnaanngilai.

Prinsesse uumasorujummit tiguteqqippoq, isigivaalu nivarsiaq nilliasoq uumasorujuup aallarukkaa. Qanoq iliussava? Kukkuernerujussuuvormi. Angakkup inaanut isersimangitsuuppat taama pisoqarsimassanngikkaluarpoq, ugguartupilussuanngorpoq.

Uffami! Eqqarsariaaarpoq. Ataasiaannarluni kissaateqaaqqikkuni suut tamarmik taamaakkunnaassapput.

Akiuussuataarnerminilu nasaq katassimasani pamiut iperaattatut ittut innerillu aqusaalatoralugit tiguartorpaa.

“Nukappiaraq-aa sulerigavit?” Tunuani nipi quarsaarsimarpaluttoq tutsiuppoq. “Ila uummaangaa sulerigavit?”

Bis tunumut qissimikkami takuaa illorsuarmi angakkoq matserfimmi nikorfasoq. Angutip utoqqaap erserpaseqaluni uumasorujuit isigai Bissillu nasaq tigugaalu qiviarlugu.

“Eqqissisimaannarit!” Bis suaarpoq nasarluni atillugu. “Suut tamaasa iluarsissaqqaarpakka. Erniinnannguaq suut tamarmik pisut pisimasuujunnaassapput!”

Sequnngerami takunngilaa uumasorujuk qorsunnik tattaasalik

angisoorsuaq saannguaminut mittoq. Qanerujorujussuani tipeqisoq kiguteqaqisorlu ammarpaa.

“Kissaatigaara...” Bis isussuppoq.

“Naamik!” Angakkoq annilaarsimaqisoq suaarpoq tungaanullu ajaapiaasaminik nasaa peerniarsariitigalugu tinngivigalugu.

“Taannaanngitsoq! Qinnuigaakkitt taanna qinnutiginnngilluinnassagit! Taamaalioraluaruit maanngaanniit anillaqqinnngisaannassaagut! Unigit! UNIGIIT!”

Bissili tusaasaqanngilaq. Nammineq isussunnini kisiat tusaavaa.

“Kissaatigaara imatut pisoqarsimanngisaannarnissaa,” oqarlunilu kissartog malugaa; uumasorujuup toqunartumik innermik anillatsitsinera.

Suut tamarmik qernertuinnangorput.

Nillertillutillu.

Aamma ...

* * *

Bis uisorersarpoq. Sumiinnini puioraluarpaa. Qarmasissiat isugutasut isigileramigit eqqaalerpaa usi illorsuup naqquata ataaniilluni, sus-sallunimaa tamaaniippa? Aamma suniarnarluni puiorpaa.

Igaffimmut uternalissallunilu takulerpaa siunermi matu. Angakkup inaanut matu. Ikersisimalaarpoq, Bissip uummataa kassorululerpog. Ineeqqami tassani iserfigeqqusaanngitsumi soqar-nersog takorusuttuaannarnikuaa.





NIDAL

Anorigissaarta- riaqartarpoq

 **LINE AGERLIN TROLLE**  **WILLIAM VEST-LILLESØE**

“Aallartiguk!” Nidal suaarpoq. Mahmood pisinnaasanani tamaat qummut pissippoq iperarlugulu. Ibrahimip qullartartoq qummukanngitsoortoq aasaqattaaraluaraa tunniutiinnaratik misileeqqittarput. Qatanngutigii pingasuullutik illup tunuani qattuninguamiipput. Qullartartuutitik qullartinniaqattaaraluarpaat, ullumikkulli anore-qanngingajappoq.

Nidal 13-inik ukiulik, angajoqqaavi qatanngutaalu tallimat illoqarfimmi Baqa’ami najugaqarput. Palæstinamiunut qimaasunut inissiaqarfiup avatinnguani illumi mikisumi najugaqarput. Inissiaqarfimmi illut eqimapput aqquserngillu amittuullutik, sinnerali illoqarfittulli allatut ippoq. Nidalip arnaa qimaasunut inissiaqarfimmi najugaqarusunnerugaluarpoq, tassanili init akisuallaaqaat. Ernini pinnguaangata isumaalugisarpai. Sumi tamaani ledningit manngertornenikut nunamit puttusimasut tummarnaveersaagassaapput. Timmissat anaat eqqakkallu tipaat naamaneqarsinnaapput, sumilu tamaaniipput puussiat, kamippakut sukujuillu aserornikut. Nidalip arnaata qimminit nujuartanit kiineqarnissaat imaluunniit meeqqat tammariataarnissaat aamma annilaangagisarpaa.

Qilammi V-iusarujussuartut ilusilik ingerlaarpoq. Nidalip qiverluni tuit ingerlaarnerat isiginnaarpaa. Najungasuusanngorunik, nigalinngorunik, W-ingorunik. Quip qaavanut nikuilluni tuit uinngiarsorfigigaangagit allaaneq ajorpoq arlaatigut tuit qisuariaateqartartut. Saniliat assigiinngitsunik uumasuuteqarpoq, Nidalilli tuit nuannarinersaavai. Ilaanni takorloortarpaa timmisinnaalluni. Timmisin-

naasuuguni qummukarujussuariarluni ammut illoqarfik isiginnaas-sagaluarpaa – sivinganerni illorpassuit kajortumik qaamasumik qalipaattillit, meeqqat aqqusinermi pinnguartut inuillu falafeleerniarfiit silataanni tunuleriiaarlutik utaqqisut.

Nidalip atuarfillu

Atuariartortariaqalerami qullartartuliaq ilisariaqarpaa. Ualikkut atuar-tartunut ilaavoq. Ilaqutariit sikkileqarnikuugaluarpaa tunisariaqar-simallugilli. Taamaattumik akunnerup affaa pisulluni atuariartorta-riaqartarpoq. Atuagaasivini tigoriarlugu ikinngutinilu Mohammad Abdallahilu arpaannaq atuariartorput.

Nidalip atuarnini nuannaraa, kisianni 6.klassimi atuartuugaluarluni allanneq atuarnernu ajornartorsiorfigisarpai. Arnaa oqarpoq atuarfiup pitsaangitsuunera tamatumunnga peqqutaasoq. Nidalip matematik nuannaraa angisuunngorunilu nakorsanngorusulluni. Taava ataa-tani qitiluttoq ikiorsinnaassagaluarpaa. Universitetimili atuarneq akisoqaaq. Ilaqutariit allattaavinnut, aqerluusanut atuagaasivim-mullu akissaat naammaqqarput. Qujanartumik atuarneq akeqanngi-

**Nidalip qatannugtai qimaasunut ineqarfimmi atuartarput.
Nidalip angajullillu allat allami atuartarput.**



**Nidalip aanaava Zakeyemik ateqarpoq. Ullut tamangajaasa pulaartarpaa.
Natermut ingillutik meeraanilersaartoq tusarnaartarpaat.**

laq atuakkallu tassani pisarpaat. Nidalip nakorsanngussanngikkuni elektrikerinngornissani eqqarsaatiginikuuaa, tassungami ilinniarneg akeqanngilaq, aamma taava illuminni iluarsagassat suliarisassa-galuarpai. Ukioq kingulleq aputip oqimaannerata illup qaliata ilaa nakkaattippaa, ilaqutariillu sanaqqinneranut ikiorteqarnikuupput. Aamma elektrikeri takkupperoq ledningillu qalipaattigissut katiterpai ikkuffiillu iluarseqqillugit.

Aanaap oqaluttuai

Atuarfimmiit angerlamut aqqutaani Nidalip aanani pulaarpaa. Aanamini illortaani tamaasa pinnguaqatigisarpai. Aanaava Ba'qaimi qimaasunut inissiami najugaqarpoq. Ukiut 70-it matuma siorna Jordanimut pisimavoq, meeraanilersaaraangat ernutaasa nuan-narisaaqat. Madrasimi iikkamut talitneqarsimasumut ingilluni palæstinamiut kjoleannik kjolelerluni oqaluttuarpoq: "Meeraagalla-rama immuiartakkatsinnik savaateqarlutalu nersussuaateqarpugut. Nammineq immussuit yoghurtillu sanasarpagut. Illoqarfeeqqatsinni



Nidalip nukai Mahmoud Ibrahimilu marluliaapput. Nidal qullartartuleri-gaangat ilagiuannarpaat ikiortarlugulu.

inuuneq nuanneqaaq tamattalu immitsinnut nalunngilagut. Uumasut nerisassarsiortillugit angallattarpagut unnukkut angerlaqqittarluta. Pulaartoqartuaannaratta angerlarsimaffipput oqalliffiullunilu il-larfiusaqaaq ikinngutittalu nereqatigisarpaatigut.” Nidal palæstina-miuvoq Jordaniuni, tamannalu tulluusimaarutigaa. Ullut arlaanni aanami illoqarfeerarinikuusaa takorusukkaluaqaa.

Qullartartuliorneq

Meeqqat pinnguariatulit arpaannaq aniapput. Nidal qullartartuliu-lersoq ilaasa unngullugu isiginnaarpaat. Nammineerluni qullartartu-liorneq ilinniarnikuuaa, ullumikkut ulloriartalimmik sananiarpoq. Qullaraangami ulloriamut anartumut assingusarnissaa takorlooppaa. Nidalip sungiussisimarpaloqaluni qullartartuliani suliaraa, plastikki qasunganani atalluassappat qanoq sananissaa nalunngeqqissaar-paa. Qullartartuliullaqqissuulluni nuanneqaaq, aamma ikinngutimi ilai sananissaannik ilitsersuunnikuai.

Maanna qullartartuliaq qullartinnialerpaa. Meeqqat isiginnaarmata Nidal pissangakujuppoq. Ibrahimip qummut miloriukkaa Nidalip tigum-mivaa. Qullartartuliaq qummukalaariarluni nakkarpoq. Mahmoudip tiguua Nidalillu allunaasartaa imuaa. Misileqqippaat. Qullartartuliaq qarmap tunuanut tarrippoq. Anersaartorpiarsinnaananiluunniit Nidalip nusulaarlugu misilippaa. Qullartartuliaq nueriasaarpoq nusoriarnerilu tamaasa qullaallattarluni. Maanna aqussinnaalerpaa. Kiisami anori pitsaavoq. Qullartartuliaq sangujoraarluni timmivoq. Aarsaapiloo-raangat pamiuusai plastikkit qernertut seqinermut qillaallattarput.



Nittartakkami Nidalip aanaava meeraanilersaar-toq tusarnaarsinnaavarsi. Aamma Nidal qullartartu-liortoq takusinnaavarsi namminerlu qullartartuli-orneq ilinniarlugu.

HELEVERDENISKOLE.DK/NIDAL





Ayse aqqaluartaarpoq

📖 ÖZLEM CEKIC 🎭 DORTE KARREBÆK

Naaa," Aysep arnaa nillerpoq. "Ataatat oqarfigiartoruk nap-parsimaviliassasugut MASSAKKUT!" Aysep arnaa qiaatigaluni oqarpoq. Ayse nuannaartorujussuuvoq. Aysep angutaa pia-reersalerpoq. Serhad Baranilu Aysep anii aamma itersimapput. Unnu-aavoq, anaanaallu napparsimaviliarpoq.

"Kiisami, juh'huu. Kiisami qaammatit qulingiluat utaqqisara nallerpoq. Ilami inuunera tamaat utaqqisara," Ayse oqarpoq erinarsorlunilu aallartilluni: "Ambulancep assakaasui ingerlapput, ingerlapput, ingerlapput."

Akunnerit qulit qaangiummata

"Ataata, qanoq-una isussuffigit?" Ayse aperaaq. Aysep arnaata naalungiarsuk tigummiarpaa. Nukappiaraq.

"Koraniminggaanniit atuffappara atissanilu ilikkarniassammagu pingasoriarlugu oqarfigaara - Isak," Aysep angutaa nuannaarluni oqarpoq.

Aysep Isak nakkuppaa.

"Ayse, Ayse, Ayse," isussuffigaa.

"Suleqaalliaasiit?" Baran aperaaq.

"Paasiniassammagu asanar-tumik, silatumik, pinnersu-mik kakkattumillu ale-qaqarluni," Ayse illarluni oqarpoq. Baranip nukil-lalaarnerup pianik isini qilutippai. Arnaatali oqaasiisa Ayse nuan-naajallatsippaat.



“Qanittumi Isak kipineqarumaarpoq.”

“Nalliuttorsiussaaguu-uut,” Ayse pississaajutigaluni nillertoq Baranip nalikkaami nalaa asserpaa.

Aleqa tulluusimaartoq

“Takusiuk, ilaa inequnaq!” Aysep aqqalussami Isaap assinga nittar-saatiitigalugu oqarpoq. Aysep aleqanngornini malunnartinniarlugu atuaqatini kaagimik nassaassimavai.

“Nalliuttorsiussaagut. Nipilersortoqarluni, qittalluta nerrilluta...” Ayse oqaluttuarusungaarami anersaarpiarsinnaanngilarluunniit.

“Atertaarnersiussagassiuk?” Klasselæreria Ingrid aperaaq.

“Naamik, kipitinneriussagatsigu. Isak muslimiugami usua kipine-qassagami. Amerlasuunik tunissutisissaaq,” Ayse nuannaarluni oqarpoq.

“Sooruna usua kipineqassasoq?” Anne annilaarsimalluni aperivoq.

“Nukappiaqqat kipineqartarnerat eqqartulaariartigu,” Ingrid oqarpoq. “Nunani amerlasuuni nukappiaqqat kipineqartarput. Ima isumaqarpoq usuisa nuuini ameq pilallugu peerneqartoq. Usuup amiata noorpiaa. Taamaaliorneq nukappiaqqap muslimiuneranut juutiuneranullu ilisarnaataavoq.”

“Kristumiut kuisittarnerisa isumaata assipajaava?” Anne aperaaq.

“Aap, kipitinneri kuisinnerlu upperisarsiornermi ileqquupput. Assi-giinngissutigivaat upperisap aappaani meeraq niaqqumigut imermik kuineqartarmat aappaanilu nukappiaqqat usuisa nuuanni ammip ilaa peerneqartarmat,” Ingrid oqarpoq nangillunilu: “Ukiut tuusinter-passuit matuma siorna profeteqarsimavoq Abrahamimik atilimmik. Taassuma ernermi usuata nuua kipisimammagu juutit muslimillu taamaaliortarput. Nunat ilaanni ileqquunera peqqutigalugu taamaaliortoqartarpoq. Assersuutigalugu ilaasa ataatatik assiginiassam-matigit taamaaliortarput,” Ingrid oqaluttuarpoq.

Louise nappaavoq. “Uanga ataataga isumaqarpoq taamaaliortar-neq inerteqqutaasariaqartoq. Isumaqarpoq angajoqqaat pitsaan-ngitsut ernitik kipitittaraat,” annulluni oqarpoq.



Aysep isai immatserput. “Uanga angajoqqaakka pitsaasuupput,” oqarpoq.

“Aamma uanga,” nukappiaraq juutiusoq Adam oqarpoq.

Aysep atuagaasivini tiguaa arpaannarlu aniartorluni.

Nalliuttorsiornissamut sapaatip akunnerinnanngorpoq

“Nangilersuillaqqingaaravit,” Aysep arnaa oqarpoq.

“Inequnangaarmat nerisinnaagaluarparaluunniit,” Ayse oqarpoq Isaarlu qungujussarlugu qanini nipiliortillugu.

Ayse ilumoorasaalerasaarpoq.

“Isak usuni kipineqareerpat qanoq ililluni quisassava?” Ayse aperaaq.

“Aysennguaq-aa, tamaat peerneqarnaviannngilaq, nuuani ameq kisimi peerneqassaaq,” Aysep arnaa eqqissisaavoq.



“Aamma Isak malugisaqarnaviangilaq qeriteqqaarlugu suliarineqassagami. Nakorsaq pikkorissorujussuuvoq,” oqarpoq.

Taava Ayse Isaamit quiffigitikkami nilleriasaarpoq illartorujussuanngorlunilu.

Aysep angutaa inimut puttuppoq.

“Ini nalliuttorsiortarfik sapaatip akunnerata tulliani attartorsinnaavarput,” oqarpoq.

“Aanaarakasik,” Aysep arnaa tupaallalluni oqarpoq.

“Aap, ulapissaqaagut. Aamma nakorsaq Isaamik kipisisussaq piffissamik inniminniiffigisariaqarparput,” Aysep angutaa oqarpoq. Nalliuttorsiorneq ullualunnik sioqqullugu Isak kipineqartussaavoq.

“Kjoleq, kamippaat naasullu nujanniittussat nassaarisariaqarpakka,” Ayse ineeqqaminut arpaatigaluni oqarpoq.

Ikinngutigiikkunnaarneq

Ayse anitsiartarfimmi issiavimmut ingimmat Louisep ilassinngilaa.

“Louise taamaaliornak, Ayse ikinngutiginerpaasaraarput,” Anne oqarpoq.

“Isak mikitigaluni kipineqartussaq nallinnaqaaq,” Louise kamasimarpalulluni oqarpoq.

“Kisianni Isak malugisaqarpiarnaviangilaq qeritinneqassagami. Anaanaga oqarpoq assigiinnaraa soorlu kigutulerisumi qeritinneqaraangatta,” Ayse oqaluttuarpoq. Suli Louisep Ayse qivianngilaa.

“Uagutsinni nalinginnaasuvoq nukappiaqqat kipineqartarnerat,” Ayse oqarpoq.

“Nalinginnaasoq?!” Louise suaarpoq. “Eqqumeeqaaq ajoqusiisinaallunilu. Aamma ataataga taama oqarpoq,” Louise oqarpoq.

“Angajoqqaakka oqarput taamaaliorneq Isaamut ajoqutaasasuppatt kipitinngisaannassagaluarlugu,” Ayse oqarpoq.

“Sooruna Isak kipitissasoq?” Louise aperaaq.

“Pissutigalugu Isak muslimiummat. Aamma ataataga anikkalu assiginiassammagit,” Ayse oqarpoq.

“Louise, ilumut nalliuttorsiortunut ilaaniangilatit?” Anne kajumii-serpalulluni oqarpoq.

Ayse qialerpoq. “Kisiannimi angajoqqaakka nalunngilatit. Sianiitsuunngillat. Uanga illit angajoqqaavit iliuusaasa ilai paasineq ajoraluarlugit sianiinnerarlugit oqarneq ajorpunga.”

Louisep paasivaa Ayse aliasuttoq. “Aap, sianiitsuunngillat. Kisianni kipitinnissaq Isaamut ulorianangila?” Louise aperivoq.

“Ulorianangilaq. Ulorianartuuppatt inerteqqutaassagaluarpoq,” qullini allartiitigalugit Ayse akivoq. Louisep pakkuppaa.

“Nalliuttorsiorneq aggissavit?” Anne aperaaq.

Nipaarupput. Atuaruip siarna sianeremat isaapput.

Nalliuttorsiorneq piareersarneqassaaq

Aysep igaffimmi aninilu nalliuttorsiorneqassaaq piareersarpaat. Ikinngutitik nalliuttorsiornermut ilaasussat nerisassiassallu allattorpaat.

Aamma imamimik koranimit atuffassisussamik aggertoqassaaq.

“Imam aggerniartooq torrak,” Ayse oqarpoq. “Uangali aamma DJ-imik nipilersortussamik aggertoqarnissaa kissaatigaara.”

“Kammaga aperisinnaavara nipilersoriarsinnaanersoq,” Serhad oqarpoq.

“Pinnersaatissarpasuit pisiakka takulaarsigit,” Baranip pul-lattakkat, qillaalasut, siaartartut, erfalasut naneruutillu karsimit qaqioraatigalugit oqarpoq.

“Louise kamaatissanngilat,” Serhad oqarpoq. “Nalliuttorsiornermut peqataangikkaluarpalluunniit puiussanngilat ikinngutiginerpaasaralugu.”

Baran isumaqataannngilaq. “Isumaqarpunga apersortinnerani nalliuttorsiornermut peqataasariaqanngitsutit,” oqarpoq. “Kipitinneq eqqumiigippagu, taava oqarfigissavat illit kuisinneq apersortinnerlu eqqumiigalugit,” Baran kamalluni oqarpoq.

“Eqqissilaarit,” Serhadip Baran oqarfigaa. “Isumaqarpunga Louise aqagu oqaloqatigisariaqarit. Oqarfigissavat nuannaassaqalutit nalliuttorsiornermut ilaassappat,” Serhadip Aysep assaa tigumiarlugu oqarfigaa. Ayse aliatsappoq.

“Naapertuilluarnerunngilaq Louisep angajoqqaakka angajoqqaaminut allaaneruneri piinnarlugit ajornerassappagit,” Ayse oqarpoq.

“Ilumut! Kisianni Louise nassuiaattariaqarpat aggingikkaluarpalluunniit ikinngutigiinnassallusi,” Serhad oqarpoq.

“Ikinngutigiit isumaqatigiittartussaapput,” Ayse manittorluni oqarpoq.

Serhad qungujuppoq: “Soorunami isumaqatigiinnngissinnaapput. Ikinngutigiikkaanni pisariaqanngilaq isumaqatigiittuaannarnissaaq. Uanga aamma ikinngutima ilaasa sooq kipitinnikuunersunga paasisinnaanngilaat. Taamaakkaluartoq arsaqatigiittarpugut,” Serhad oqarpoq.

Louise ilaarusuppa?

Louise Ayselu anitsiartarfimmi issiapput nalliuttorsiornermut oqallisigalugu.

“Nukkama kuisinnerani nalliuttorsiornermut assingoqaaq,” Louise oqarpoq. Aysep kuisittorsiornermut ilaalluni misilinnikuunngilaq.

Taava Louisep nukkami kuisinnera oqaluttuaralugu aallartippoq. “Siullermik oqaluffimmukarpugut, taava palasip biibilimit atuaatigaluni nukaga niaquatigut imermik kuivaa. Kingornatigut ilaqquttagut ikinngutigullu nalliuttorsioqatigaagut,” nassuiaavoq.

“Aamma Isak tunissutisissava?” Louise aperaaq.

“Isak kuultiminernik tunissutisissaaq. Angisuunngoruni aningaasannortis-sinnaavai arlaannillu pisissutigalugit. Aamma atisanik pinngussanillu tunissutisissaaq, immaqa aamma uanga aleqaagama tunissaaq,” Ayse qungujulluni oqarpoq.

“Illit iluanaaq,” Louise oqarpoq.

“Uagut oqaluffiliarnit-situut ilissi moskemukas-savisi?” Louise aperaaq.

“Naagga, kisianni nalliuttorsiorneq aallarnarlugu imam aggissaaq koranillu atuarluni. Taava tasiarluni qitinneq, kurderit nerisas-saataannik kaaginillu nerrinneq aallartissapput,” Ayse oqaluttuarpoq.



Taava nipaarupput. Aysep sapiillisaarluni Louise apereqqippaa: "Nalliuttorsiornermut ilaassavit?"

"Naagga. Usua kipineqartoq isigerusunngilara," Louise illariaasarluni oqarpoq.

"Takunaviannngilat. Ullut pingasut sioqqullugit kipineqassaaq," Ayse oqarpoq.

"Taava aggissavit?" Ayse apereqqippooq.

Louiseli neriorsuisinnaanngilaq. "Isaap kipineqarnissaa eqqumii-geqaara," Louise oqarpoq.

"Uannut ilaquuttannullu eqqumiinngilaq," Ayse oqarpoq.

Ilimagineqarani takkuppoq

Nalliuttorsiorneq aallarertorpoq. Anne Ayselu tasiarluni qittanner-
mut ilaapput. "Lelelelele," arnat nillerrattarput.

"Sooruna taama nipiliortut?" Anne aperaaq. Aysep nassuiar-paa nuannaarnertik takutinniaaraat.

"Indianerit nipeqarput," Anna illarpoq.

Tamarmik assuutitik atorpaat aamma Isak alutornartumik nasa-qarpoq. Annep Aysep eqqarsaaterpiaa annippaa: "Louise aamma maaniissagaluarami." Ayse anersaaruluppoq. "Aamma uanga maqaa-sivara. Kisianni isumaqatigiippugut assigiinngikkaluarluta ikinnguti-giiginnassalluta," Ayse oqiliallalluni oqarpoq.

DJ-ip nipilersuut nipittormagu tamarmik sukkanerusumik qitta-tilerput. Niviarsiaqqat tasiarput, Annelu oqarpoq:

"Allaanngilaq juullimi erinarsortagaq 'Juulliliinnaqaaq, juulliliin-naqaaq'."

"Sianiinnak!" Ayse illarluni oqarpoq.

Anne suaartalerpoq. Nipilersuulli nipitummat Aysep qanoq oqarner-soq tusaasinnaanngilaa. Annep Ayse taliatigut nusup-paa matullu tungaanut tikkuarluni. Louise matup killingani nikorfavoq aalateriffigalugillu. Aysep Annullu arpallutik ornippaat eqitaarlugulu.

"Aggeriasaaginnaqaatit!?" Ayse tupaallassimalluni oqarpoq.

"Aap, sulili Isaap kipineqarnera eqqumiigaara. Kisianni illit mus-

limiugaluarlutit qatanngutima kuisinneranut takkutissagaluarputit naak ileqqoq ilinnut eqqumiiginarsinnaagaluartoq," Louise oqarpoq.

"Aap, takkutissagaluar-punga. Sirhadimi ilumoorpasip-pooq oqarami ikinngutigiissagaanni isumaqatigiittuaannarnissaaq pisariaqanngit-soq," Ayse qungujulalluni oqarpoq.

"Aamma ikinngutigiit assigiimmik pissuseqartariaqanngillat," Louise oqarpoq. Annep nusup-pai. "Uffami, massakkut assigiissaa-gut. Tasiarluta qittatissaagut. Siumut allornerit marluk utimullu ataaseq," Anne malinnaaniarsariitigaluni oqarpoq.

"Lelelelelelele!" Ayse nilliavoq.





Santap ininnaava

📖 LINE AGERLIN TROLLE 📺 WILLIAM VEST-LILLESØE

Santap Georgellu orpissuaq tappavungangaatsiaq qallorfigaat. Tassani isertugaatitik oqallisigisarpaat. George pissangakujuppoq. Qanittumi atuarfimmi angisuumi illoqarfimmiittumi atualissaaq. Santap nuannissangatippaa naak George maqaasissamaaraluarlugu. Nammineq ukiup tulliani tassani atualertussaagami tusartali-gassani qilanaarai.

Santa arfineq-pingasunik ukioqarpoq illoqarfeeqqamilu Adirimi angajoqqaani aqqalussanilu Elias illoqatigalugit. Tassani 1.-3.klassinut atuarfeqarpoq. Santa 2.klassiuvoq, 4.klassinngoruni atuarfimmut angisuumut Karakimiittumut busserluni atuariartortassaaq.

George Santap illortaarivaa ikinngutiginerpaasaralugulu. Illui sanileriipput, ilaqutariit 50-it missaat qanitariillutik tamaani najugaqarput. Illuisa akornanniippoq naatsiivik qorsooqissoq orpigaalulik qallorfigissunillu allanik orpilik. Aamma naatsiivimmiipput qamutikut atortukullu allat naatsivigineqartarallarmat atortarnikut. Santa Georgelu sivisuumik orpinnut biilikorsuarmullu qallorlutik pinnguarput. Qutsinnerpaamut piniarsaralutik unammisarput, qullangaatsiarluni aqajannguummernartarpoq.

Oqaluffik pingaaruteqaqaaq

Santa Georgelu marluujuaannarput. Aamma palasi naalagiarititsisoq siullermeerlutik ikiuleramikku marluupput. Sungiusaqattaarnikuugaluarlutik oqaluffimmi inuppasuit saallugit nikorfaleramik Santa pissangalerpoq. Palasi imermik uuliamillu kuisilluni tunisussaagamiuk kjoleni kusanartoq kuserfigisooqinagamiuk annilaangagileraluarppaa. Uuliamik kuisilerami assani sajukkaluartut iluatsippaa.

“Qujanaqaaq George ilaammat. Oqaluffimmi aningaasanut nakkaatitsivimmut katersuilluta sanileriaat ataatsit qaangiinnartoorpakka. Kanngutsinnermik aappillerujussuarpunga. Taava Georgep ilagalunga uteqatigaanga. Maanna palasi sapaammi oqaluffimmi ikiussallugu nuannarilernikuuara. Naneruutiniq ikiterineq nuannarinersaasara.”

Jordanimi inuit amerlanerit muslimiupput, Adirimili amerlasuut kristumiupput. Santap eqqaamavaa ataasiarluni Adirimi ikuallat-toqarnikuusoq. Aqaguani ullaakkut oqaluffimmukarmata oqaluffiup ilaa ikuallassimavoq. Assut nuanniippoq, likkat qernertissimapput oqaluffiullu qaava peerussimalluni. Inuppassuit katersuutipallapput – kristumiut muslimillu – oqaluffillu ikioqatigiillutik sukkasuumik sanaqqillugu.

Kristumiut atuarfiat tamanit atuarfigineqarsinnaasoq

Atuaqatigiit Santakkut atuarfimmi erinarsuut nutaaq ilinniarpaat

Santa Georgelu orpinnut qallukatakkaangamik basketballertarput. Santap basketballissagaangamik George uteriiserfigisariaqartarparaa, sukkasuujugami arsarlu iserteqattaartaramiuk.



Santa ilaquataalu tamarmik kristumiupput. Sapaatit tamaasa naalagiartarput.

“Narsaat qorsuusoq”. Pinngortitamut ukiullu nikittarneranut tunngasoq. Atuaqatigiit nipissartik tamaat ussersuutigalutik erinarsorput, Santa sanilinilu illakuluttarlutik erinarsoqataapput. Ilinniartitsisuat ussersuutigaluni erinarsortarpoq, taava atuartut issuartaarpaat. Alanngaarsinnaanngornissaata tungaanut erinarsuut uteqattaarpaat.

Santap atuarfiani atuartut tamarmik qaqqortunik ilulleqarput tungujortunillu qarleqarlutik – niviarsiaqqat nukappiaqqallu. Kristumiut atuarfianni atuartut unifierisaat. Santap muslimit kristumiullu atuaqatigai. Sorleq upperisarinerlugu apeqqutaavallaanngilaq. Pinnguaqatigiillutik nuannarisaqaat.

Anitsiaramik Santa ilaalu anitsiartarfimmut arpaliupput. Seqineq kissariivissimavoq. Santa ikinngutinilu Yana orpiup ataanut ingipput. Santap taqussani – ataatami taqualiarisimasai nerivai. Angutaa Santap atuarneranut akissaqarumalluni sulingaatsiartarpoq. Illoqarfissuarmi Karakimi biilileriffiuteqarpoq. Sapaatip akunneranut ullut



arfinillit sulisarpoq, amerlanertigullu Santa innareeraangat angerlamut apuuttarluni. Ullaat tamaasa taqualiuuttarpaa.

Ullumikkut sisamanngoreruvoq Santallu qatigattuut marluk atuarfimmiit angerlaappai. Bamsiupput ateqartut Jamal & Jamal. Jamal araberisut isumaqarpoq qatigattoq. Anaanaminut tulluusimaarluni takutippai. Atuarfimmi sapaatip akunnera tamaat atuartuulluarsimasup angerlaattarpai. Arfininngornermi atuariatortnermi atuarfiliaateqqinneqartarput. Santap atuarfiani tallimanngornermi sapaammilu atuarneq ajorput, ullut taakku aappaa musliminut aappaalu kristumiunut nalliuttuummata.

Santa qalipaasunngorusuppoq

Santap titartaaneq nuannaraa. Qalipaasunngorusuppoq. Titartakkani kusanarniassammata peqqissaarluni suliarisarpai. Ilutsit kusanartullu assigiinngitsut takorloorlugit titartaasarpoq qalipattarlugillu. "Titartaagaangama nammineq aalajangertarpara silarsuaq qanoq isikkoqassanersoq."

Unnuk taanna Santa suli eqqumasooq ataataa angerlarpoq. Ineeraanut iserpoq. Pappiaqqat qalipaasiutillu saavanni natermi pallungapput. Santap ataatani titartaaqatigalugu nuannarisaaqaa. Piffik immikkuullarissooq titartarpaat. "Tassa takorloortagara. Orpeqaaq paarnartalinnik naatsiiveqarlunilu ilaqutariit tamarmik najortuannarsinnaasaannik. Aamma kukkukooppasuaqarpoq. Kukkuuunik titartaallaqgeriama taamaappoq."

Nittartakkami Santa naalagiartooq aamma Georgelu pinguarlutik inuusat atorlugit "Leila amarorlu" isiginnaartitsissutigigaat takusinnaavatit.



HELEVERDENISKOLE.DK/SANTA



Sapaatip Akunnera Sunniiarfiusoq peqataaffigiuk

Nunarsuarmi meeqqat tamaasa atuartunngortinniassagatsigit Sapaatip Akunnerani Sunniiarfiusumi politikerit neriorsuutigisimasaannik eqqaasissavagut. Suli meeqqat 61 millionit atuartuunngitsut ilanngutariaqarpagut. Kisianni meerarpassuit atuartuugaluarlutik suli atuarnermik, allannermik kisitsinermillu ilikkarsimangillat atuarfiisa pitsaannginneri pequtaallutik. Tamanna allannortikkusupparput.

Sapaatip Akunnerani Sunniiarfiusumi inuit tamarmik pitsaasumik atuarfeqarnissaannut oqaluuserinnitsitseqataassaasi. 2015-imi nunarsuarmi siuttut nunarsuarmi pissutsit ineriartortinnissaannut pilersaarut atsioqataaffiginikuuat. Pilersaarut ateqarpoq Nunarsuarmi Anguniakkat (verdensmålene). Nunarsuarmi Anguniakkani nr. 4 imaqarpoq inuit tamarmik pitsaasumik ilinniagaqarnissaannik. Tamattaalluta Danmark-imi politikerit neriorsuutiminnik eqquutsitsinissaat isumagissavarpup.

Atuarfiup pitsaasup meeqqat naasutut sikkerartittarpai

Meeqqat tamarmik nunarsuarmi toqqissisimasumi peroriartornissaminut piginnaatitaaffeqarput. Aamma meeqqat qimaasut pitsaasumik atuarfeqartariaqarput. Atuarfik pitsaasoq meeqqanut toqqissisimaffiusarpoq, inerikkiartortitsilluni sikkerartitsisarlungu.

Ukioq manna politikerit Nunarsuarmi meeqqat tamarmik sikkerarfissaminnik pitsaasumik atuarfeqarnissaannik tuniseqataanissartik puiunnginniassammassuk naasorpasuarnik tuniorassavagut. Kusarantunik qalipaaticigissunik naasuliorarlusi atuarfik pitsaasoq illit qanoq isiginerlugu allattuiffigissavat.

- Nittartakkami qanoq peqataasinnaanersi pillugu paasissutissat, ilisserutissaq, ilitsersuullu nassaarisinnaavasi
- Københavnimi peqataasinnaavusi imaluunniit naasuliasi Oxfam IBISimut nassiusinnaavasi kingusinnerpaamik **16. april 2018** – taava uagut politikerinut tunniunneqarnissaat isumagissavarpup.

HELEVERDENISKOLE.DK/AKTIONSUGEN-2018



NAASUT UUNGA NASSIUTIKKIT:

OXFAM IBIS · VESTERBROGADE 2B
1620 KØBENHAVN V · ATT: HELE VERDEN I SKOLE



Nunarsuarmioqatigiulluta anguniakkagut 17-it



LINE EMILIE BALLE JENSEN

Ataatsimoorussatsinnik nunarsuarmut tunngatillugu anguniagaqar-pugut – FN-ip Nunarsuarmut anguniagai 17-it. Taakku qulakkiis-savaat nunarsuup pitsaasup tungaanut ineriartornissaa. Nunar-suarmioqatigiit anguniagaasa immikkuullarissutigaat – tamanut atuuttuunertik – pisuunut piitsunullu. Anguniakkat annertuujupput. 2030 nallertinnagu anguniagassagut amerlaqaat. Tamattali suleqa-taagutta piviusunngornissaat anguneqarsinnaavoq.


Anguniakkat tamakkerlugit ersarinneruniassammata sisamanik qulequtserlugit immikkoortiternikuuagut.

NALIGIINNEQ PIITSUUSSUSERLU – nunarsuarmiut tamarmik pitsaasumik inuuneqarnissaminnut periarfissaqassapput. Meeqqat piitsuullutik peroriartussanngillat.

ILINNIARTITAANEQ – meeqqat tamarmik atuarneq, allanneq kisitsi-nerlu ilikkarniassagamikku atuarfimmi pitsaasumi atuartsuussapput. Atuarfimmi meeqqat pisinnaatitaaffii pillugit ilinniassapput.

NAAPERTUILLUARNEQ EQQISSINERLU – meeqqat tamarmik toqqis-sillutik meeraanissaminnut pisinnaatitaaffeqarput. Nunarsuarmi eqqissisimasumi naapertuilluarfiusumilu peroriartussapput. Niviarsiaqqat nukappiaqqatulli periarfissaqassapput.


AVATANGIISIT SILALLU PISSUSIA – nukissiuutit mingutsitsinngitsut avatangiisillu peqqinnartut tamanit pissarsiarineqarsinnaanissaat qulakkiissavarput. Tamarmik minguitsumik imissaqassapput innaallagiaqarlutillu.



**ASSIT, FILMIT ALLAATIGISAT SULIASSALLU
NITTARTAKKATSINNI NASSAARISINNAAVATIT**

**HELEVERDENISKOLE.DK/
VERDENSMAALENE**





Nukariit nunartik takusinnaavaat

📅 LINE AGERLIN TROLLE 📍 WILLIAM VEST-LILLESØE

Mohammad innangavoq qummuinnarlu ukisil-luni. Tallimangornerummat atuassanngilaq. Qatanngutaa illooraalu marluk madras-siminni innangapput sulilu sinillutik. Mohammad sinnattuleruttorluni iterpoq. Sivisuumik sinnattupilugisarpai qaartartut nakkaasut illullu ikuallattut. Qujanartumik qangali taama sinnattorpoq. Maanna sinnattuni tamaat eqqaamangikkaluarlugu nalunngilaa nuannersuusooq. Syriami angerlarsimaffimminni illumi angisuumi qitsuutertik qimmitillu marluk aneerasaartarfimmi pinnguaqatigalugit sinnattorai. Uumasuutitik tamaasa paarisarnikuuai. Anaanani ataatanilu piffissami eqqarsaatigivallaartanngikkaluarai aamma sinnattuani ilaapput.



Ammar, Mohammadip angajua, nipituumik aatsaarpoq. Unnukkut qatanngutigiiit sivisuumik isussullutik oqaloqatigiipput. Syria, qanoq ilaqutariit tamarmiullutik eid nalliuttorsiortarnerlugu ullaarnnganiillu taarsinissaata tungaanut silami pinnguartarnitik oqallisigaat. Ammarip aqqusinermi aningaasanik ujaasillutik katersisarnertik aamma meeraqatitillu plastikkialunnik miloriaqattaarlutik nakerneqqusaattarnertik eqqaamavai.

Mohammad 12-inik Ammarilu 14-inik ukioqarput. Atsatik pingasut, akkaatik marluk, illoqqatik nukappiaqqat marluk niviarsiaqqallu sisamat illoqarfimmi Irbidimi inissiami mikisumi najugaqatigaat. Syriami sulisorsunneq aallartinngitsoq angutaat kræfterluni toqunikuvoq. Jordanimut tikimmata arnaata ilagai taannali erniinnaq

Syriamut uterpoq. Sorsunneq peqqutigalugu Jordanimiinnissaq isumannanginnerummat nukappiaqqat tamaaniiginnarput. Anaanartik oqallisigerpiarneq ajorpaat aliasulertaramik.

Syriamit qimaaneq

Ammar Mohammadilu 2012-imi Jordanimut pipput. Allaangilaq qangali tamaanga pinikuusut. Ammarip eqqaamavaa Syriami pitsaasumik illoqarlutik, tamarmik immikkut ineeraqarlutik. Playstationeqarnikuupput qarasaasiaqarlutillu. Atuarfik illuannut qanittumiippoq ikinnguterpassuaqarpullu. Sorsunnerli aallartippoq.

Suli Syriamiittut Ammarip eqqaamasaqai, qimaanertillu. "Ikinngutigut inuulluaqquagut, kisianni taamani alianarpallaangilaq nunap nutaap takunissaa qilanaarigatsigu. Poortuipallappugut – atisat ikittuaqqat, isumaqaraluarpugummi sapaatip akunnerata missaa qaangiuppat uteqqissalluta."

Ammar Mohammadillu illoqqatik Saif Mohammadilu ineqatigaat. Natermi madrassini sinittarput, tamarmik makiaarneq nuannarisuunngilaat.



Ammarip atsani Nahla ikiorlugu pisiniarfimmu akiminniittumut ullaakkorsiuatissanik iffiugarsiniarpoq.

Qimaanginnerminni angerlarsimaffimminiit qaartartut raketillu tusaasarpaat. Ilaqutariit kalerrinneqarsimapput qaartartut sulii anginerusut atorneqalissasut illoqarfillu unguneqassasoq. Taamaammatt qimaasallutik aalajangersimapput.

Mohammadip eqqaamavaa bussit aallaarsarineqartarmata biilinit nioqqutissanut atorneqartartumut ilaallutik isertorlutik nunamit anninneqartussaallutik. "Qoorumi niolarluta pisulluta killeqarfik aqqusaartussaavarput. Takuneqaqinagatta annilaangaqaagut. Sivingasukkut takisuumik pisuttussaavugut. Qoorup illua tungaanut pigatta Jordanimiut naapippagut, tikilluaqqussutigalugu dadlerinik tunivaatigut. Aggertugut tusarsimavaat biilinillu qimaasunut ineqarfissiamukaalluta. Tassani unnuaq ataaseq tupermi sinippugut, ilaqtattatinnullu ingerlaqqilluta."

Tallimangorneq immikkuullarissuvoq

Ammar Mohammadilu tallimangornermi qinujartorlutik moske-



Ullaakkorsiutigisarpaat fatteh – yoghurt iffialerlugu. Aamma auberginenit foulinillu makdousitortarput – bønnenit sanaat.

liartarmata ulloq taanna taakkununga immikkut ittarpoq. Ulloq taanna sapaatip akunneranut freerfigisartagatuaraat. Ammar neriuppoq akkaartik ullup ingerlanerani pulaartoqassasoq. Akkaata ikinngutaa takkuttuuguni immaqa biilnik arsaattarfimmukaassinnaasagaluarpai. Marlussoriarlutik tassaniinnikuupput, ungaseqimmat taxarnissaminnut akissaqanngillat.

Nukappiaqqat atsaata Nahiap ullaakkorsiutissat piareersarsimavai. Ilaqutariit tamarmik natermut issaallutik nerisassat ingerlateqattaaraat Ammarip tiimik kuisiortorpai. Kingorna nukappiaqqat ermipput, asattorlutik, nutsatik illaarlugit dishdashatillu atillugit. Anno-raajusaavoq takisooq moskemukaraangamik atortagaat. Mohammad Ammarilu ingillutik versi ullormut Koranimit atuagassartik paarlakaallutik atuarpaat, ateqartoq "Al-Kahf" isumaqartoq "Qaarususuk". Siggutik aalatillugit nipeqanngitsumik atuarput.

Minutsit tallimat pisulluni moske tikitassaavoq. Qatanngutigiiit akkartik Abdalnasen ingiaqatigaat. Ullumikkut aggiaanngimmata moske ulikkaareersimavoq. Silataanut anguterpassuullutik issaapput imamillu qinnusserpalunna højtalerikkut tusaasinnaallugu. Angutit tunuleriiaarlutik Mekkap tungaanut saallutik issaasimapput. Qinuneq naammassimmat aqqusineq inunnik ulikkaarpoq. Seqineq qullaruttorsimavoq, inuit qungujulapput, ilassiuullutik oqaluullutillu, ilai eertanik meloninillu nutaanik pisiniarrapput.

Jordanimut tikerlaaq

Ammar Mohammadilu atuarfimmil ullormut akunnerit ikittut atuartaramik sapaatip akunneranut ullut arfinillit atuartarput. Atuarfianni ullaap-tungaa Jordanimiut ualikkullu Syriamiut atuartarput. Qatanngutigiiit Jordanimut peqqaaramik arlaleriarlutik nuuttariaqartarsimagamik atuarfimmil kinguaattooqqalaarput. Kingullermik nuunnerannut peqqutaavoq saniliisa Syriamiunik eqqaamioqarnertik nuannarinngimmassuk. Ullut arlaanni Mohammadip eqqaminni sanilimik nukappiarartai naapippai. Ajallugu uppiti-

Tallimangornermi angutit nukappiaqqallu moskeliartarput. Arnat niviarsiaqqallu angerlarsimaffimminni qinusarput.





paat, ilaasa aalajangeqqagaat ataatsip igalaaminermik kilerniarsa-rileruttoraam Ammar ikiuukkiartorluni arpalluni tikiummat talimigut kimillaannarsimavoq. Tamatuma kingorna taakku naapeqqinnissai ersigilerpai kamaatigalugulu. Atsaata politiiunut nalunaarutigai, politiiilli siunnersuinnarpaat tassanngaanniit nooqqullugit.

Moskemit angerlaramik inimi madrassimi eqqissisimaarput. Al-Qa'ed – kina naalagaava – pinguaatigaat. Akkaartik Abdalnasen nuanni-saqatigalugu pinguarput pakassumittarlutik allanillu aliikkuser-sorlutik. Tiitoreersut matukkut kasuttortoqarpoq. Sunaaffa akkaata ikinngutaa aperiartortoq ilaarusunnersut.

Naatsiivissuarmi arsaapput, nukappiaqqallu Abdalnasen ikinngu-taalu ajugaaffigaat. Mohammad takussaajunnaarmat Ammarip nalunngilaa sumunnarsimassanersoq. Naatsiivissuarmi timmissanut assigiinngitsunut angisuunik iniliaqarpoq. Mohammad papikuujut eqqaanniippoq ungaluiniillu ilummut ivinnik tuniorarlugit. Timmis-sanit tamanit papikuujut kusaginersaavai. Ingammik timmigaangata. Ammarip ivigaaluit nusoriarlugit qatanngutiminut tunniuppai.

Ikinngutitaartoriamik pitsaasunillu sanileqarlutik Irbidimiinnertik Ammarip Mohammadillu nuannarilernikuuat. Ikinngutiginerpaasa-mik ilai Jordanimiut blokkeqatigaat. Irbid nunaannut qanittumiippoq. Qatanngutigiiit Syria avannaminniittoq illup qaavaniit takusinnaa-sarpaat. Aamma ullut ilaanni qaartartut qarpallattut tusaasarpaat. Neriutigaat ullut ilaanni angerlaqqikkumaarlutik.



Nittartakkami Ammar Mohammadilu moskeliarnissa-minnut pikisut takusinnaavasi. Nerisassiornermut najoqqutassat aamma atsa Nahla immikkukajaaq akuttoqatigiissaaraluni tumerparpartoq takusinnaavasi.

**HELEVERDENISKOLE.DK/
AMMAR-OG-MOHAMMAD**





SHAHED

Siulit, siunissamut takorluukkat Facebookilu

 LINE AGERLIN TROLLE  WILLIAM VEST-LILLESØE

Anitsiarfimmi ikinngutigii naatsiivimmi toqqorsi-maarfigisartakkaminni alanngillutik issiaarput. Nipituumik illartooramik imminnut nipaarsaaq-qupput. Volleyballertaraluarput arsarlutilluunniit, maannali misilitsinnerit naligimmassuk anitsiarfimmi nipaarsaartussaapput. Taamaamat naatsiivimmi issianerusarput oqaluullutillu.



Shahed 13-inik ukiulik kristumiut niarsiaraqanut atuarianni namminersortumi 7.klassimi atuartuuvooq. Naak kristumiut atuarifigigaluaaraat Shahedip atuaqataani tallimaannaat kristumi-uupput. Shadedip muslimiunini tulluussimaarutigaa ullualuillu qaangiuppata ramadanip aallartinnissaa qilanaaralugu. "Islam uannut eqqissinermik isumaqarpoq. Ramadanip nalaani iisinniginiarnermi nammineq timinni qanoq amigaateqarluni innersoq malugisarpara. Ulloq unnuarlu mumittarpagut ullukkullu nerissanata. Kaaleraangama ujammit – mibaha – assanni kaavisittarpakka oqaaseqatigiillu aalajangersimasut taasarlugit. Taava kaannera puiortarpara. Upperisama nukittortittarpaanga." Shahed ullormut tallimariarluni qinusarusuppoq, maannali atuarifik pingaarnerugallarpoq. Aamma taamaalluni nasartaateqartalernissani qilanaaraa. Ullut arlaanni nutsani nammineq kisimerpiaq pigerusulerunigit nasartaateqarterumaarpoq.

Shahedip ikinngutiginerpaasaa Farah kristumiuuvooq. Ikinngutigii aapparmik ileqqi misilerassallugit nuannarisarpaat. Ramadanip nalaani Farahp Shahed atuarifimmi iisinniginniaqatigisarpara. Juul-

limilu kingullermi Shahedip misilinnngisaannarsimasani orpimmik pinnersaaneq Farahkkunni misilippaa.

Shahed atuareerami Ehabimit aatippoq. Ehab qangali Shahedip ilaquataani biilertuuvoq. Ullut tamaasa Shahed atuarfiliaattarpaa aasarlugulu. Ilaanneeriarlutik Ammanimi takusassarsiortarput. Iser-tuussaminnik ornigannaagaqarput marluinnaallutik nalunngisamin-nik. Illoqarfissuup aqqusernini angallaffioqisuni biilertarput. Illoqar-fik qattunernut ungaleriaanut arfineq-marlunnut siaruarsimavoq. Illut sioqqatut qalipaattillit akornisigut aqquserngit sivingasuut ingerlaarfigisarpaat. Shahed nikuilluni biilit qaavani ammartartukkut nuisarpoq suerneranillu nutsani teqqalatittarlugit.

Shahedip arnaa isumaqarpoq assaat atorlugit nerilluni nerisassat mamannerusartut. Ullumi ullup-qeqqasiutigaat musakhanit, maha-shi kibbehllu. Inaanni alianaatsumi igaffimmi ikiortaata nerisassat piareersarpei, Shahedillu arnaata ilaqutariit tamaasa puugutaannut niusiortorpei.

Ullup-qeqqanut mahashitorput – squashit olivenit pilutaannut imusat aamma kukkukuuvaqqat musakhaninut imusat. Bulgurinillu kibbehtor-put aamma sambosak – iffiukkat naatitanik immikkat frituremut siatat.



Shahed kristumiut atuarianni atuartuuvoq. Atuartut tujuuluvaqqanik qarlinnillu kajortunik uniformeqarput. Araberit oqaasiini atuarnermiini Shahedip oqaluttualiani nipituumik atuarppaa.

Shahedip oqqani nuisippaa asserlu snapchatikkut Seemamut nassiullugu. Ingerlaannaq mitaartumik akineqarpoq. Shahedip illarluni asseq nassiuppaa. Ineeqqamini Playstationimi zombiet spil'lerpaa. Kisimi eqqissilluni ineeqqaminiinneq nuannarisarppaa.

Ukiualuit matuma siorna Shahed nipaannerusimavoq mianersortuullunilu. Qinnngasaartilluni qanoq misiginarnersoq eqqaamavaa. Atuaqataa Shahed pillugu Facebookikkut gruppilorsimavoq. Allasimallunilu Shahed niaqulaartuusoq uuminartuusorlu. Soqutigingeqqaaraluarlugu niviarsiaqqap toqqarluni allaffigimmani: "Taku-sinnaaviuk tamarmik nuannarinngikkaatsit!?" Eqqarsaatigilerpaa. Angajoqqaavisa atuariuullu gruppeliaq peertikkaluaaraat Shahed atuarusukkunnaarpoq. Aasami atuannigiffeqareernerup kingorna ukioqatigiit atuaqatigiinnut nutaanut akulerussuunneqarnerat ilu-aqtaavoq. Ullumikkut Shahed pitsaasunik ikinnguterpassuaqarpoq.

Shahed eqqaamasassanik nuannersunik katersuisuuvoq. Karseeraa-teqarpoq pisimasunut nuannersunut, inuunermiini immikkut pisinut eqqaamasassaminik katersuiffimminik. Arpalluni unamminernit medaljeat, atuaqatigiit angalaarnerannit assit aanaqqiikkuisalu



assingi qalipaateqanngitsut. Angutit tamarmik beduinit atisaannik atisaqarput. Shahed Jordanimiuvoq Jordanimeersoq. Siulerai beduinit, kinguariipassuit ingerlaneranni Jordanip inoqajuitsortaanijajugaqarsimasut. Arnaa siulitik pillugit nuannersorpasuarunik pissanganartunik oqaluttuartaqpoq. Shahedip oqaluttuanit nuannarinerpaasaraa aataqqiimi ilaqutariit angalaannartutut inuujunnaarnissaannut tunngasumik aalajangiisimanera. Nunassissimapput ullumikkut illoqarfiup Ammanip inissisimaffigisaani. "Eqqaamasat uannut pingaartuupput. Ilaquttama oqaluttuassartaasa ilisimanis-saat aamma pitsaasunik ikinnguteqarnissaq uannut pingaartuupput. Tamarmimmi uannut ilaapput."

Shahedip eqqaamasaasa nuannernerit ilaat januarimi pisimasuuvuq. Angerlarmat arnaata inimut iseqqusimavaa. Shahed suna pineqar-nersoq eqqarsartupilussuuvuq inimullu isermat nipituumik ikinngu-tai tamarmik suaarsimapput "surprise" eqitaarlugulu. Ini pullattak-kanik ulikkaarpoq, kaageqarluni sodavandeqarlunilu. Qanga taama nuannaartigisimanerluni Shahedip eqqaamanngilaa.

Shahedip takorluugaraa nakorsanngornissani. Pissanganartitaraa timip pissusaata qanoq ittuunera, ilisimatuutut misissuerusuppoq nappaatinullu ulorianartunut akiuussutissamik nassaarusulluni. Nalunngilaa ajornaatsuinnaanaviannngitsoq. Arnaatami inatsisile-rituutut pikkorissutut nalunnginneqartutullu ilisimaneqalernissani anguniarlugu tamaviaarutigisimavaa. Jordanimi arnarpassuaqarpoq pitsaasumik ilinniagaqarsimagaluarlutik angerlarsimaffiminni ningiutut taamaallaat inissisimasunik. Shahedip anaanani assi-gerusuppaa. Ilaqutaqarusuppoq suliffeqarlunilu, aamma nammi-neq biilertalernissani erinigeqaa. Angorusutani amerlangaarmata utaqqisinnaanngingajappoq.



Nittartakkami Shahedip Playstationimi spil'leq nuannarinerpaasaa taku-sinnaavarsi. Aamma Shahedip arnaa Ammanip tunngaviler-neqarnera pillugu oqaluttuar-toq tusarnaarsinnaavarsi.

HELEVERDENISKOLE.DK/SHAHED 



ATUARAKET 2018**NAQITAQ SIULLEQ**

©Atuakkiortut, titartaasut, assiliisut Oxfam IBISilu
ISBN: 978-87-585-1191-1

Immikkut qutsavigaagut atuakkiortut titartaasullu akeqanngitsumik tunniussisimasut. Qutsavigaagut Rebecca Bach, Dorthe Nielsen, Inge-Lis Holst Line Emilie Balle Jensenilu oqaaseqaateqarsimanerannut kukkunersiornerannullu.

AtuaRaket 2018-ip imarisai Oxfam IBISip atuakkiortullu akisussaaffigaat taamaalillutillu tunisisut aningaa-saliisullu isumaannik takutitsisuunatik.

LæseRaketten 2018 Danidamit taperneqarluni saqqummersinneqarpoq

Aaqqissuisut

Line Agerlin Trolle aamma Alexander Bach

Assit

William Vest-Lillesøe, Line Agerlin Trolle,
Katibe Simon aamma Leila May
Saqqaaani asseq: William Vest-Lillesøe

Ilusaata aaqqissuunera

Peter Waldorph/peterwaldorph.dk

Kalaallisuunngortitsisoq

Kathrine Knudsen

Kalaallisuuani kukkunersiortoq

Sófiârak Tobiassen

Naqinneqarfia

Specialtrykkeriet Arco A/S

Nassiussuisoq

Ilinniartitaanermut Aqutsisoqarfik
Postboks 1610
3900 Nuuk

Atuakkami atuakkiortut titartaasullu pillugit
paasisaqarnerusinnaavutit uani
heleverdeniskole.dk/tegnere-og-forfattere-2018



OXFAM
IBIS

HAMAD



Ukioq manna AtuaRaketip Kangiani Qiterlermiittumut Jordaniliaqatigissavaatit. Jordanip Jordanfloden ateqaatigilersimavaa, taanna Imaq Uumaatsumut kuuppoq. Jordanip ilaa annertoq inoqajuitsuuvog. Inoqajuitsog paneraluarluni kiakkaluarlunilu uumassuseqaqaaq. Inoqajuitsumi beduinit uumasuutitillu ukiuni tuusintilikkuutaani najugaqarsimapput.

MUNA



Kujataani Wadi Rumimi Hamad 6-inik ukiulik najugaqarpoq, taassuma ilaqutariit inoqajuitsumi tupiannut angallatissavaatit. Palæstinamit qimaasut ineqarfiata qanittuani Nidal najugaqarpoq immikkuullarissumillu pikkoriffeqarluni. Nunaannarmi Santa najugaqarpoq. Kristumiut oqaluffianni palasimut ikiuuttoq takusinnaavat. Jordanip illoqarfiisa pingaarnersaanni Ammanimi Shahed naapissinnaavat, eqqaamasassanik katersisog.

NIDAL



Jordanip sanilii nunat arallit sorsuffiunikuupput. AtuaRaketimi Syriami sorsunnermit qimaasimasut ilaat tusarsinnaavatit. Muna 10-nik ukiulik qimaasunut ineqarfimmi najugaqartoq qanorlu ikinngutitaarnersoq tusarsinnaavat. Jordanip avannaani qatanngutigii Ammar Mohammadilu akkaminni atsaminnilu najugaqarput. Neriutitik siunissamullu takorluukkatik Syriamillu qimaanertik oqaluttuaat.

SANTA



AtuaRaket aamma oqaluttuanik alutornartunik titartakanillu kusanartunik, qallunaat atuakkiortuinit titartaasartuinillu suliarineqarsimasunik imaqarpoq. Taakku ilumoorlaartuupput, nuannerlutik, qiaamminarlutik tupinnarlutillu.

AMMAR & MOHAMMAD



Nunarsuarmi siuttut nunarsuarmioqatigiit anguniagaat 17-it isumaqatigiissutiginikuuat. Anguniakkat sisamaata imarai meeqqat tamarmik pitsaasumik ilinniagaqarsinnaanermut piginnaatitaaffeqarnerat. Jordanimi meeqqat tamangajammik atuartuugaluarlutik ilaasa atuarneq, allanneq kisitsinerlu ilikkarneq ajorpaat. AtuaRaket paasisassarsioqatigineratigut meeqqat tamarmik atuarfimmi pitsaasumi atuartuunissamut piginnaatitaaffeqarnerannut aallusseqataatitsivutit.

SHAHED



AtuaRaket 2018 atorluariuk.

UDENRIGSMINISTERIET
DANIDA



OXFAM
IBIS